

Malagasy
Why Little Bethlehem?
58-1228

**Torinten'i
William Marrion Branham**
"... in the days of the voice ..." Rev. 10:7

Nahoana No Ilay Betlehema Kely?
Jeffersonville, Indiana USA
28 Desambra 1958

Teny fampidirana

Ny asampanompoana hafa kely an'i William Branham dia valin'ny Fanahy Masina ny amin'ny faminanian'ny Soratra Masina ao amin'ny Malakia 3:23–24, Lioka 17:30, ary Apokalipsy 10:7. Io asampanompoana manerantany dia faratampony amin'ireo faminaniana hafa ara-baiboly, ary ny fitohizan'ny asan'Andriamanitra amin'ny alalan'ny Fanahiny Masina amin'izao andro farany izao. Io asampanompoana io dia voalaza ao amin'ny Soratra Masina, mba hanomana ny olona ho amin'ny Fihavin'i Jesosy Kristy Fanindroany.

Mivavaka izahay mba hahatonga ny Teny voadika printy ho voasoratra ao anantin'ny fonareo raha feno vavaka ianareo eo ampamakiana ity hafatra ity.

Ny rakipeo sy ny dika soratra amin'ireo torinteny mihoatra ny 1 100 nentin'i William Branham dia azo alaina sy avoaka printy maimaimpoana amin'ny fiteny maro samy hafa ao amin'ny

www.messagehub.info

Rehefa natao daholo ny ezaka rehetra mba ahazoana antoka ny fandikana, dia miangavy anareo mba hijery ny rakipeo voalohany tamin'ny teny Anglisy izay mirakitra marina tsara ny toriteny.

Ity asa ity dia azo adika ary zaraina raha toa ka adika manontolo, tsy ovaina, ary mamaimpiana ny fizarana azy.

Tena faly aho (ary ianareo?) fa manana toerana anankiray isika izay azontsika hatonina mba hihinanana an'izany sy hiainana mandrakizay

¹⁴⁹ Ankehitriny, hitahy anareo anie ny Tompo! (Manan-javatra holazaina ve ianao, rahalahy) [Niteny rahalahy Neville hoe: Tsia – naotin'ny mpandika.] Hitsangana vetivety isika. Ilay hira trrainy izay efa mahazatra antsika ny mihira azy rehefa mifandao isika manao hoe: “Entonao ny Anaran’i Jesosy.”

¹⁵⁰ Firy no tia ny Tompo? Atsangano ambony tsara ny tananareo. Ary ankehitriny rehefa nanangana an'izany ianareo, dia ampidino, ka raiso ny tānan’ny olona eo akaikinareo, ka mitenena hoe: “Hitahy anao anie Andriamanitra, ry mpivahiny! Hitahy anao anie Andriamanitra!” , ka milazà hoe: “Hitahy anao anie Andriamanitra, ry mpivahiny! Hitahy anao anie Andriamananitra!” Eny àry. Eny àry! Mba hifankalalanareo tsirairay fotsiny ihany izany.

¹⁵¹ Ankehitriny, ndao isika hijery mankany an-danitra, ka ndao hirain-tsika izany hira fiderana izany.

Entonao ny Anaran’i Jesosy,
Zanaky ny alahelo sy fahorina;
Hanome fifaliana sy fampaherezana ho anao Izany,
Ento Izy na aiza na aiza alehanao.
Anarana sarobidy (Anarana sarobidy), oh!
manao ahoana moa ny hamamin’izany!
Fanantenan’ny tany sy fifalian’ny lanitra;
Anarana sarobidy (Anarana sarobidy), oh!
manao ahoana moa ny hamamin’izany!
Fanantenan’ny tany sy fifalian’ny lanitra.
(Ankehitriny, tsarovinareo ...)

Nahoana No Ilay Betlehema Kely?

¹ Mety hahatsikaiky ihany angamba izao maraina izao ny manao ity pardesy ity eto amin’ny lampihazo eto, saingy tena faly aho ny mba afaka hampiseho an’ity pardesy tsara tarehy ity izay nomen’ny Fianganana ahy. Indray andro izay, dia nahita an’I Rahalahy Neville aho niaraka tamina kaompile tsara tarehy iray izay tena nanendrika azy tsara tokoa, dia mba nihevitra aho hoe:” Oh, izaho...” Tena nanendrika azy tsara tokoa ilay izy, ary ny fianganana koa dia niteny an’izany, dia mba nieritreritra koa aho hoe: “Ka raha izany, izaho koa izany dia mba hanao an’ilay pardesiko ho entiko eny amin’ny pilopitra”.

² Fantatrareo moa, izaho dia mino fa tsy ho lasa olon-dehibe mihitsy isika. Isika ...Sady izaho koa dia tsy te-ho lasa olon-dehibe izany. Ahoana ny hevitrao amin’izany, Rahalahy Luther? Tsia, tsy te-hiha-lehibe isika, te-hijanona ho zaza hatrany isika.

³ [Hoy i rahalahy Neville hoe: “ Rahalahy Branham, noheveriko fa nanao ny iray amin’ireo fitafiana tahaka ny fanaovan’ireny ministra ambony kilasy ireny ianao. Nangalam-pijery anao fotsiny aho, ary nihevitra aho fa angamba ilay akanjo lava anankiray fitondra amin’ny fotoan-dehibe ireny no nanaovanao. ‘Nihomehy i rahalahy Branham sy ny fianganana — naotin’ny mpandika]. Tena voadokadoka be mihitsy amin’ity pardesy ity.

⁴ Tsy maintsy lazaiko kosa fa izy ity ... izy ity ... fa tena ilaiko tokoa izy ity, ary ity no tsara indrindra tsy mbola nananako hatramin’izay. Ary tena tiako tokoa izy ity. Rahalahy Roy Roberson, tsy fantattro na eto izy izao maraina izao na tsia, fa izy dia nanan-kolazaina raha ny mikasika ny nisafidianana an’ity pardesy ity. Tena nahay nisafidy tokoa izy ary isika dia... isika dia tena...tena faly tokoa isika manana azy.

⁵ Arak’izany, dia tena faly tokoa isika tafaverina ato amin’ny tranon’Andriamanitra velona izao maraina izao, ary hanararaotra ireo fotoana mahafinaritra an’ny... an’ny fiombonan’ny mpirahalahy manodidina ny Teniny sarobidy.

⁶ Raha sitrapon’ny Tompo, dia handeha any ampitan-dranomasina tsy ho ela aho. Mety hoefa hitanareo tao anatin’ny “Ny Feo” (La voix), ilay gazetin’ny lehilahy mpandrahahara, fa ho any ampitan-dranomasina aho ny volana ambony. Ary manasa anareo rehetra izahay hivavaka ho anay mandritry ny tsy maha eto anay. Toa hoatry ny hoe tsara mantsy hono ireny favoriana izay ataoko any ampitan-dranomasina ireny, toa hoatry ny hoe mahazo vhava kokoa izy ireny any. Aty Amerika...

⁷ Nilaza tamin’i Rahalahy Mercier aho fa nihaino... Voalohany aloha dia nomeny milina fandefasana kapila (tourne-disque)anankiray aho, ary avy eo, teo ambonin’io dia nisy kapila izay nisy ny sasan-tsasany tamin’ireo toriteniko. Teo aho vao nahatsapa fa raha sanatria ka nisy olona nihaino ahy dia tokony ho nisy ny famindrampon’Andriamanitra tamin’izy ireo satria hoy aho anakampo hoe tokony mba ho nahavita tsaratsara kokoa kosa aho na dia izany aza.

⁸ Oh, ary indro koa fa alainy amin'ny fandraisam-peo indray izao izany. Zavatra ...zavatra kely iray ... Azonareo tapahina tsara ity ampahany ity, hitanareo. Nahodiny ambany ny ankihibeny, heveriko fa ny dikan'izany dia hotapahiny ity ampahany ity.

⁹ Fa izaho... lazaiko aminareo izany, tena taitra be mihitsy aho. Izaho... Ny toriteny farany ratsy indrindra tsy mbola henoko hatramin'izay niainako, dia ny ahy, marina tokoa, teo... teo... teo amin'ilay kapila teo izay, ary tena nahasorena ahy mafy tokoa ilay izy hany ka tsy nahavita nihinana ny sakafotrivakao intsony mihitsy aho. Lasa narary aho, ary tsy maintsy nandao ny latabatra; tsy nahita tory aho ny alin'iny.

¹⁰ Ary, omaly, dia nankany Kentucky aho niaraka tamin'i rahalahy Wood. Rehefa niverina, dia hoy aho hoe: "Rahalahy Wood, tsy fantattro, ahoana no tokony hataoko mba hahaizan'ny olona anankiray mihaino ahy miteny. Tena ...tena farany ratsy indrindra ilay izy, sady tsy manao afa-tsy ny mamerimberin-teny aho, ary manaraka izany ny gramera dia tsy izy mihitsy, ary raha ny mikasika ny mari-pihatoana indray, dia tsy misy fotsiny izao." Tsy ... tsy haiko é. Hoy aho hoe: "Amin'ny lafiny iray, dia nampahery ahy ilay izy, satria hitako fa Andriamanitra no tsy maintsy ho ambadik'izany, raha tsy izany, dia tsy ho hisy olona tonga mihitsy." Marina izany.

¹¹ Ary rehefa niresaka tamin'I Rahalahy Collins aho,-ataoko fa any ho any izy ato amin'ity trano ity, dia hoy aho taminy... Tonga nitady ahy izy, ary dia noresahiko azy izany. Hoy aho hoe: "Rahalahy Collins, marina tokoa..." Hoy aho hoe: "Efa ho telopolo taona izao no naha-mpitoriteny ahy, tokony efa mba ho fantattro marina amin'izay ankehitriny izany atao hoe toriteny izany." Dia hoy aho hoe: "Tena farany ratsy indrindra tamin'izay reko hatramin'izay ilay izy."

¹² Izy moa dia mpitoriteny metodista rahateo, ary ny rahalahiny dia olona manana toerana lehibe ao amin'ny antokom-pinoana metodista. Dia hoy izy hoe: "Eny ary, hiteny aminao aho rahalahy Branham, mety ho ny mari-pihatoanao sy... sy ny fehezanteninao tokoa angamba no tsy vita hatramin'ny farany araka ny tokony ho izy, sy ny sisa, kanefa mba efa nieritreritra an'ilay lehilahy anankiray izay nitoriteny tamin'ny andro Pentekosta ve ianao, izay tsy nahay akory na dia ny hanao ny sonia ny anarany aza ary nantsoina hoe Petera ?" Hoy izy hoe: "Toy ny hitako mihitsy izany toriteniny fa tsy voatoniny araka ny tokony ho izy mihitsy."

¹³ Saingy, hitanareo, ny mahatonga ny olona iray hijery an'izany, dia ireny fandaharana ao amin'ny radio izay heno ireny, ka ny zavatra rehetra dia efa vita an-taratasy avokoa, hitanareo, Izy ireo ...Vitan'izy ireo madio tsara ilay izy, miaraka amin'ny mari-pihatoana sy ny sisa, satria vakian'izy ireo ilay izy.

¹⁴ Ary efa mba nijoro teo akaikin'i Charles Fuller aho, tamin'izy nitoriteny tao ambadikin'ny tavon'omby iray sahala amin'izao ny hangezany izay nampiasainy nataony lampihazo. Ary izay rehetra nolazainy, dia tsy nanao afa-tsy ny mamaky fotsiny sisa no nataony: ny voalohany, ny faha roa, ny

ahy, izay teo am-pandriana efa andro maromaro. Nivonto be loatra ny tendany hany ka tsy afaka nihinana na inona na inona izy; ary niakatra ambony be ny hafanany. Ary niteny tamin'ny rainy sy ny reniny izy hoe: "Ampanantsoy i rahalahy Branham mba hivavaka ho ahy." Ary, noho ny antony samihafa dia tsy te-hanelingelina ahy izy ireo satria sahirana aho tamin'izay. Saingy nisy Zavatra nitarika ahy kosa anefa handeha ho any amin'izy ireo.

¹⁴⁴ Raha mbola nipetraka teo aho, dia niezaka nitondra lovia anankiray ho an'ilay tovolahy izy ireo. Nisy atody izay tena mbola mitsiranoka teo amboniny ary koa tsaramaso tena malemy dia malemy, nopsotsipotsehina. ary nandramany natelina izany. Nandramany natosika hiditra any anatiny tamin'ny alalan'ny fanondrony izany, ary dia nopsotsipotserina. Nivonto avokoa ny akanjonifiny rehetra ary dia mamoaka nana. Ary... ary dia nandramany nopsotipotsehina tamin'ny fanondrony izany ary nataony izay hampidinana izany tao an-tendany . Vitany ihany ny naka iray na indroam-bava, fa tsy lasa lavitra izy; natosiny ilay lovia.

¹⁴⁵ Nipetraka teo aho, tsy nivavaka. Saingy nisy zavatra kely anankiray.Tsy dia ho azonareo lazainareo amin'ny olona avokoa akory izay zavatra rehetra miseho. Tsia. Hoy aho hoe: "Tompo, Tompo ô, eto amin'ny fiafaran'ny taona no misy anay amin'izao fotoana izao. Zavatra vaovao anankiray no ho tonga. Mamela ahy, Tompo ô ... Ity ve ilay izy? Ity ve ilay izy?" Ary, vantany vao nanomboka niteny an'izany aho ka niteny (tao am-poko) hoe: "Fantattro fa eto Ianao ", dia naninjitra ny tanany ilay tovolahy ka nihinana indraimbava, dia mbola naka indray, dia mbola naka indray, dia mbola naka indray ary farany dia nodioviny mihitsy ny loviany manontolo; nalainy avy eo ny fierany ary dia lasa izy.

¹⁴⁶ Oh! Andriamanitra Izy! Hitanareo? Ilay Fanatrehany, ilay Fanatrehany ... Mila Azy manatrika fotsiny!

¹⁴⁷ Ilay sary farany , izay nalain'izy ireo indray andro, ilay vao haingana indrindra... Rehefa nahita Azy tao ambonin'ilay izy aho, nitsangana teo, dia njery aho ka hoy aho hoe: "Ka, izaho anie efa nahita Ilay Anjelin'ny Tompo tamina sary, fantattro fa nahatalanjona ilay izy." Saingy rehefa naka sary an'ity kosa izy! Teo amin'ny telo maraina teo ho eo avy eo, dia namoa ahy Izy, ka nilaza tamiko izay dikan'izany, ary nazavainy tamiko ny zavatra rehetra,- ny mikasika ilay fitaovam-piadiana sy ny sisa – ary nasehony ahy ny zavatra rehetra teo amin'izany izay mbola tsy hitako hatramin'izay mihitsy. Lasa aho naka an'ilay sary, norejeko ilay izy, ary teo dia hitako. Tsy mbola nahita azy io aho tany aloha tany. Oh!Fihetsem-po manao moa no navoakan'izany teo amiko!Toy ny inona moa ny fampaherezana rehefa mahalala fa manatrika eo Izy!

¹⁴⁸ Eto Izy. Ilay Fanatrehany fotsiny ihany. "Ary teo ilay Fanatrehan'ny Tompo mba hanasitrana an'ireo marary." Ny Fanatrehan'ny Tompo dia eto mba hanasitrana ireo marary. Ny Fanatrehan'ny Tompo dia eto mba hitarika ireo impanota hahalala ny momba azy ireo. Ny Fanatrehan'ny Tompo dia eo afovoan'ny Olony, ary Izy no Betleheman'Andriamanitra, feno Mofo sy Rano.

mihasarotra ny fotoana, enga anie izy ireo mba tsy hihetsiketsika ao Betlehema. Tsy ho ela dia hisava izany. Ekeo izany, Tompo ô.

¹³⁸ Ary ankehitriny, mangataka Aminao aho mba hamindra fo amin'ireo izay marary sy malahelo. Misy eto, Tompo ô, izay mila voakasiky ny Tananao manasitrana. Tompo ô, Ianao no nanangana indray an'i Betlehema ka namerina azy indray amin'ny voninahiny rehetra tany aloha. Naverinao amin'ny laoniny izy tamin'ny fotoan-tsarotra, raha narary; namerina azy Ianao, ary namerina an'i Naomy Ianao tamin'ny fotoan'ny varim-bazaha. Ary ankehitriny, Ray ô, mivavaka Aminao izahay mba hamerenanao ny Naomy tsirairay, ary ny olona tsirairay eto izay manan-javatra ilaina. Mangataka Aminao aho, Andriamanitro ô! Tompo ô, tena ao anatin'ny taonan' ny varimbazaha mihitsy izahay izao, dia ilay Mofo lehibe vita amin'ny varimbazaha izay hita, nikodiadia avy teny an-kavoana mandrapahatonga teny amin'ny tobini'ny fahavaloo. Mangataka Aminao aho, Andriamanitra ô, mba hitondra an'io Mofo lehibe vita amin'ny varimbazaha io ato amin'ity trano ity ankehitriny, ary mba ho tonga fanavotana ho an'ny ... ny aretin'ny olona, ary ho an'ny ota indrindra ihany koa; ary sitrano ny olona tsirairay izay eo amin'ny Fanatrehana masina.

¹³⁹ Tsapako, Tompo, angamba mety ho fihetsempo manokana izany, saingy tsapako fa akaiky eto Ianao, tsapako ny fahakekezanao eto ankehitriny. Mino aho fa eto Ianao. Tsy noho ny olona akory no ilazako an'izany, ô Ianao izay mahafantatra ny fon'ny olona. Mangataka aho, Tompo, enga anie izy ireo, na amin'ny fomba ahoana na amin'ny fomba ahoana, hahay handray an'ilay fahitana izao maraina izao, toy ny mpiady: ilay Hery faratampony lehibe izay Anao, Ilay Herinao lehibe, ilay Fanatrehanao lehibe, ny maha-Izy Anao, Ilay Zanak'Andriamanitra, Ilay Mpanjaka, Ilay Voahosotra, fa eto afovoanay Ianao; enga anie izy ireo hahita an'izany ao amin'ny fanahiny ka ho sitrana amin'ny aretiny. Manonona izany vavaka izany ho azy ireo aho amin'ny Anaran'i Jesosy Kristy, Ilay Zanakao. Amena.

¹⁴⁰ Izaho dia mino an'Andriamanitra, ny Teniny rehetra, mino aho fa ny ampahangy tsirairay amin'ny Teniny dia nomena avy any an-danitra tanteraka.. Mino aho fa Izy dia tsy ilay "Izaho ilay Izy", fa "Izaho izay Izy", dia ilay Fanatrehana velona mandrakizay mandrakizay izany. Mino aho fa eto ankehitriny, eny afovoan'ny olona ...

¹⁴¹ Ianareo, izay nananga-tanana, mitadiava ianareo Fiagonana anankiray, aoka ianareo hatao batisa amin'ny Anaran'i Jesosy Kristy, miantsoa an'Andriamanitra mba ho voasasa ny fahotanareo, mino fa ny Fiverenany manaraka dia tsy maintsy ... fa hiseo amin'ny Fiverenany faharoa.

¹⁴² Mino koa aho fa eto ny Fanatrehanay mba hanasitrana an'ireo marary, mba hanangana indray an'ireo izay malahelo. Tsy dia ilaina akory ny hivavahana ho anareo hifanesisesy eto. Noporofoiko tamin'ny olona izany indray hariva; tiako naseho tamin'izy ireo izay zavatra nitranga.

¹⁴³ Nisy tovolahy iray, mipetraka izy eto amin'izao fotoana izao ary mijery

fahatelo, ny fahefatra, sy ny sisa mandra-pahalazany azy rehetra, ary izany dia voaaraka amin'ny adim-pamantaran'andro, efa voasivana mialoha ho an'ny radio sy ny sisa.

¹⁵ Raha ny amin'i Billy Graham, dia hitako koa ireo toriteniny, ary ny zavatra nataony, sy ny nataon'ireo hafa rehetra, dia ny nijoro teo fotsiny dia niteny, namaky an'ilay izy fotsiny haingana araka izay tratra; Voahomana daholo ny zavatra rehetra. Heveriko fa amin'izay fotoana izay ianareo, vao afaka ny banana mari-pihatoana marina .

¹⁶ Fa ny olana amiko, dia na ny hamaky izany aza tsy vitako! Raha izaho no nanoratra azy, dia azoko antoka mihitsy fa tsy ho voavakiko ilay izy. Noho izany, dia izany ilay "Fahasovavy mahagaga", sa tsy izany? — rehefa mahita an' izay azony hatao ho antsika. Saingy mankasitraka kosa aho raha afaka hanomboka ankehitriny... hamarana taona anankiray ka hanomboka anankiray hafa vaovao.

¹⁷ Nihaino laharam-bavaka anankiray aho, ary dia mbola tsy afa-po mihitsy koa aza aho ny amin'ilay laharam-bavaka, teo am-pihainoana an'ilay izy. Sambany aho vao mba nihaino ny tenako nitory hafatra anankiray, ary ,tena gaga tokoa aho: fa tsy nandeha tamin'ny laoniny ilay laharam-bavaka. Ary ataoko fa ho avy ny fotoana iray izay tsy maintsy hahalalan'ny olona ny zavatra rehetra mikasika azy ireny mialohan'ny hinoan'izy ireo. Manomboka eo amin'ny andro voalohan'ny taona mihitsy , dia hovaiko izany; hatomboko tsotra fotsiny ny laharam-bavaka, ary, rehefa hiresaka amiko ny Tompo mikasika ny olona anankiray, ka hilaza amiko hoe ny olona sahala amin'izao dia ivelan'ny laharana na hoe misy zavatra tsy mety ao, dia eo amin'izay olona izay aho no hijanona . Ny sisa rehetra dia handalo tsy mijanona, raha tsy izany, dia tsy afaka hampandalo betsaka isika, hitanareo. Mahafantatra ny mahazo azy ireny olona ireny, fantany hoe iza izy sy izay nataony, saingy raha misy kosa zavatra tsy mifanaraka amin'Andriamanitra eo aminy, dia amin'izay fotoana izay no hijanonana amin'io olona io, hitanareo, ary hitenenana anakampo hoe: "Ity izany ilay olona voalaza." Noho izany, dia mino aho fa hisy fanovàna izay hatao izany, rahalahy Leo, satria henoko ilay izy, ary manantena aho fa hanampy antsika Andriamanitra amin'ny taona izay ho avy.

¹⁸ Mino aho fa rahariva dia hisy fotoam-pivavahana eto amin'ny Tabernacle. Ary tsy maintsy ho any, amin'ny lalana faha 62 miaraka amin'i rahalahy Ruddell aho, anio hariva . Raha azoko tsara dia hisy alim-bavaka eto. Nanasa ahy handray anjara amin'ny alim-bavaka ao aminy Rahalahy Ruddell, nefo, ataoko angamba fa ho tonga eto amin'ny Tabernacle aho amin'io hariva io, satria fantara moa fa miezaka foana aho ny ho eto amin'ny Tabernacle ny ... ny alin'ny faran'ny taona; tiako arak'izany ny hiverina eto miaraka amin'ny rahalahy. Noho izany dia nanao karazana marimaritra iraisana anankiray aho: Hiaraka amin'i rahalahy Ruddell aho rahariva, any amin'ny lalana faha 62, amin'ilay Klioba 62 taloha, izay namboarina ho lasa ... fiagonana; ary ny Alarobia hariva, dia hiverina eto aho ho amin'ny alim-

bavaka. Avy eo, ny Alakamisy, dia handeha ho any Chicago izahay, ary hanohy ho any Philadelphie avy eo, ary avy eo dia ho any ampitan-dranomasina.

¹⁹ Ary izao maraina izao, dia tsy te-hitazona anareo maharitra izahay, satria ... mbola manana fihaonana koa izahay, ary mbola hitohy ny fotoana.

²⁰ Oh, hono ho'aho, hatramin'ny fivoriam-bavaka farany teo iny ... Tena nankasitrahiko tanteraka tokoa ny vokatra izay azo avy tamin'ny fivoriam-bavaka farany teo. Tena mahagaga tokoa ny nataon'ny Tompo rehefa miangona ny Olony. "Ireo izay... Raha miantso ny Anaran'ny Tompo izy ireo, raha miangona izy ireo (mino aho fa izany tokoa no voasoratra), ka mivavaka, dia hihaino azy any an-danitra Andriamanitra."

²¹ Anondrika ny lohantsika vetivety àry isika, raha hitodika Aminy isika mba hanomezany ny aingam-panahy ilaina ho amin'izao Hafatra izao.

²² Tompo ô, hatramin'ny taranaka nifandimby rehetra, dia aronay sy herinay Ianao. Ny razanay talohanay dia natoky Anao, ary dia tsy niroaroa saina mihitsy izy ireo. Nino ny Anaranao Masina izy ireo ary niseho tahaka ny fahazavana mamiratra. Ary mankasitraka ny fiainan'izy ireo izahay, satria, araka ny nilazan'ny poetry azy, dia namela "mamela dian-tongotra teo amin'ny fasiky ny fotoana izy ireny"; ny fahalasanay dia mamela, aorianay ao, ny dian-tongotra eo amin'ny fasiky ny fotoana." Noho izany, dia hitanay fa izay rehetra natoky Anao, dia azo antoka tokoa fa tafavoaka tsara amin'izany. Na dia niampita rano lalina aza izy ireny sy ... sy fizahan-toetra lehibe sy fanenjehana, na dia eo aza izany rehetra izany, dia Vitanao mandrakariva ny namoaka azy ireny ho manoatra noho ny mpandresy, satria izay no voalazan'ny Teny Fikasanao, fa hataonao.

²³ Ary ny tonom-bavakay ankehitriny, dia ny hitahianao ity Fiagonana kely ity, hitahianao ny pastorany, ny rahalahinay mahery fo Neville, ary koa ny ankohonany. Mangataka Aminao izahay mba hiarahanao aminy mandritra ity taona vaovao ity, hanosotra azy amin'ny fomba lehibe indray ary ... ary hitahianao azy amin'ny zavatra rehetra. Omeo fahasalamana feno ny ankohonany, ireo kely indrindra izay mitombo. Tehirizo ho matanjaka sy salama tsara i rahalahy Neville.

²⁴ Tahio ihany koa ity Fiagonana ity sy ny mpikambana tsirairay. Ny filankevitra; toy ny inona moa ny fitiavanay azy ireo, tena lehilahy Maherin'Andriamanitra tokoa izy ireo. Ary ny filankevitry ny diakôna; izy ireo koa dia mpanompo Maherinao. Ary ny olona rehetra izay tonga eto, ankasitrahinay izy ireo, Tompo ô. Manafana indray ny fonay ny mahita an'ilay dobo kely io sy ilay tany kelyefa-joro nisy an'ireo ahi-dratsy, izay tetsy amin'ny sisin'arabe tetsy taona maro lasa izay, ka indro fa niova ho fanilobe(phare) ho amin'ny Fanjakan'Andriamanitra. Ary mivavaka aho Andriamanitra ô, mba hijoroany mandra-piverin'i Jesosy. Enga anie ho fanahy mendrika maro amin'ireto tonga eto ireto, Tompo ô, no hiseho amin'izany Andro izany, voasasan'ny Ran'i Zanak'ondry. Ekeo izany.

¹³³ Raha tsy mbola tany Betlehema mihitsy ianareo, Efratan'I Betlehema, dia avia izao maraina izao, raiso Izy ho mpamponjy anareo, dia hamela ny otanareo Izy. Hanangana ny tànanareo Aminy ve ianareo, ka hiteny hoe: Andriamanitra Tompo ô, mamindrà fo amiko ankehitriny, raha manantona an'i Jesosy amin'ny foko manontolo aho. Manantona ny Betlehema - nao aho, ilay Rano sy Mofon'Aina. Manaiky Azy ho mpamponjiko manokana aho." Hitahy anao anie ny Tompo, ry tovolahy, iry aorianana iry! Hitahy anareo anie ny Tompo! Hitahy anao Andriamanitra, ry ilay kely!

¹³⁴ Mety misy olona iray hafa ve izay te-hiteny hoe: "Manantona aho ankehitriny, tsy mitondra na inona na inona aho miaraka amiko; mijoro eto aho, mangetaheta, ny tenda maina. Manontany tena aho hoe aiza no haleha hahitana ny tena Fiainana marina, hoy aho. Mikambana amina Fiagonana maro aho ..." Hitahy anao anie Andriamanitra, ranabavy ! "Mikambana amina Fiagonana maro aho, nataoko daholo izay rehetra azoko natao, rahalahy Branham, saingy tsy mbola nifandray tamin'izany Loharanon'Aina marina izany mihitsy aho. Manantona aho ankehitriny, Tompo ô, mba handray Izany." Eto Izy ho anareo. Meteza fotsiny manangana ny tànanareo ka mitenena hoe: "Inty aho Tompo ô. Izaho ilay mijoro eto ary manan-javatra ilaina." Hitahy anareo anie ny Tompo, raha hivavaka isika.

¹³⁵ Tompo Andriamanitra ô, izay hafatra kely notapatapahina izay, nentina niainga avy tamin'ny Soratra Masina, mampiseho ireo marika samihafa izay napetrakao tao; miafina amin'ireo Hendry sy manan-tsaina angamba izy ireo, mba hambara amin'ny zaza madinika, izay vonona ny hianatra. Izany dia mampiseho an'i Betlehema kely, ilay kely indrindra amin'ny rehetra! Ahoana moa no nilazan'ilay mpaminany azy: "Tsy kely indrindra amin'ny tanandehibe va ianao?" Saingy Andriamanitra kosa dia nahita fa tsara ny hamoaka avy ao amin'io toerana kely tsy misy dikany io, an'ilay Lehiben'i Isiraely. Tompo Andriamanitra ô, avy ao amina vondron'olom-bitsy izay voasasan'ny kofehy jakin'ny Ran'ny Tompo Jesosy, havoakanao avy amin'izany vondron'olona izany, Tompo, any ho any eto amin'ity izao tontolo izao ity, Kristy indray, izay hiandry ny firenena rehetra amin'ny tehim-by.

¹³⁶ Mangataka Aminao aho, Ray masina, mamindrà fo aminay tsirairay avy izay tonga eto ankehitriny, enga anie izahay hanantona ny Betlehemanao. "Oh, avia ianareo rehetra, mahatoky", araka ny nihirantsika azy, "mankanesa ao Betlehema". Tompo ô, ataovy ny hahitan'izy ireo fa tsy ny ho any amin'ilay tanana kely io akory izany, izay natao ho ohatra indray mandeha fotsiny, fa ho any amin'ilay tena izy, dia Jesosy Kristy, ilay Mofo sy Ranon'Andriamanitra, Ranon'Aina.

¹³⁷ Ary ireo izay nanangan-tanana, dia raiso ao amin'ny Fanjakanao izy ireo amin'izao ankehitriny izao mihitsy, Tompo ô, satria amin'ny alalan'ny finoan'izy ireo no ... no andraisany Azy, tamin'ny alalan'ny finoana no nanandrata ny tànana, ary amin'ny alalan'ny finoana no inoako fa Raisinao izy ireo. Tehirizo izy ireo, Tompo ô, ao Betlehema, izay tsy hahavery azy na oviana na oviana ary tsy handehany an'i Naomy intsony. Ary, raha

fahafatesana, ny helo ary ny fasana. Narotsany ny Ràny, mba ho tanteraka ny Jaona 3:16.

*Fa toy izao no nitivan'Andriamanitra an'izao tontolo izao:
nomeny ny Zananilahy Tokana mba tsy ho very izay rehetra mino
Azy, fa hanana fiainana mandrakizay.*

¹²⁸ Tsy ny rano izay naneho an'ilay izy tsy akory no nomeny, fa ... Izy Tenany mihitsy io rano io, saingy tiany mba banana ny Fiainana Mandrakizay ny vahoaka anankiray. Ahoana no nanaovany an'izany? Tamin'ny alalan'ny Rany manokana, natolony izany; tsy hoe naongany tsy akory ilay izy, dia ho loza anankiray raha izany, fa narotsany malalaka tao Kalvary izany, taorian' ny namakivakiany ny fefin'ny fahavalo rehetra. Noho izany dia narotsany ny Rany niaraka tamin'ny Ainy mba hahatonga Azy ho sompitra ho an'izao tontolo izao.

Ary ilay Loharano feno Ra,
Nosintonina avy tamin'ny lalan-dràn'i Imanoela;
Ka ny mpanota mitsoboka ao amin'izany riaka izany,
Dia mamoy ny mariky ny fahadisoany rehetra..

¹²⁹ Izay no antony nahaterahany tao Betlehema. Izay no antony tsy maintsy nahatongavany tao: satria io no foibe ho an'ny rano; karazan-drano inona izany? Ireo Ranon'Aina. Ary tao amin'i Jesosy no nisy na ny Mofon'Aina na ny Ranon'Aina. Vokatr'izay dia tsy maintsy tonga sy teraka tao Betlehema Izy.

Fa hianao ry Betleheman'i Jodia ... Tsy hianao ve no kely indrindra amin'ny mpanjaka lehibe rehetra? Ianao anie ka mpitoriteny tsotra kely anankiray fotsiny ihany, bitika kely anankiray fotsiny ihany ianao. Fa avy aminao kosa no hivoaka izay anankiray ho mpanapaka, ka hatry ny fahagola no efa nivoahany, dia hatrizay hatrizay.

¹³⁰ Izay no antony nahaterahany tao Betlehema Jodia. Nataony ho fandriana ho azy izany. Ary, Rahalahiko, ny toerana izay tiany hananana ny fandriany ankehitriny dia ny ao am-ponareo, ao anatin'ny fonareo manokana, mba hahafahany maneho, amin'ny alalanareo, an'ireo Ranon'Aina amin'ny vahoaka anankiray izay very, sy ny Moofon'Aina amin'ny vahoaka anankiray izay no Mofo sy Ranon'Aina; ny zavatra anankiroa tena ilaina amin'ny fahaveloman'ny olombelona dia ny mofo sy ny rano. Marina tanteraka ny teny fikasany.

¹³¹ Hanondrika ny lohantsika vetivety isika. Te-hisarika ny sainareo aho ankehitriny. Lazao amiko izao maraina izao, efa mba nandeha tany Betlehema ve ianareo? Raha tsy mbola tany Betlehema mihitsy ianareo ...

¹³² Misy koa miteny hoe Efrata Betlehema, Betlehema Efrata. Efrata dia midika hoe: "faka"; izany dia avy amin'ny teny hoe h-e-m-p, hemp, izay midika hoe "faka", Ary io distrika fahiny io dia nantsoina hoe Efrata, izay midika hoe ny "fiandohan'ny fiainana". Hoy Kristy hoe: "Raha mitoetra amiko ianareo, Izaho no tena voaloboka ary ianareo no sampany". Izy no fakan'ny Fiainana rehetra.

²⁵ Ary, Tompo ô, raha hanokatra ny Teninao voatahy izahay, izao maraina izao, ary hamadika ny pejy hamakianay lohahevitra anankiray ao anatiny ao... fantatray fa Ianao irery no afaka hanome ny votoatiny. Mivavaka Aminoao àry izahay Andriamanitra ô, mba hanosotra ny Teninao. Enga anie Izany mba handeha mivantana ao amin'ny fon'ny olona ary hanao zavatra tsara ho azy ireo. Ataovy tonga mpino ireo tsy mino; ampaherezo ireo kristianina, ary sitrano ireo marary; omeo fampaherezana ireo kivy; ary raiso ny voninahitra avy amin'izany. Mba hahatanteraka an'izany, Tompo ô, dia foray ny molotra izay hiteny ary ny sofina izay hihaino. Ary mangataka izany amin'ny Anaran'i Jesosy izahay. Amena.

²⁶ Indro loha-hevitra kely iray izay tao am-poko hatramin'ny Alahady lasa teo. Niresaka ny amin' ireo magy tonga mba hijery an'i Jesosy aho tamin'izay, sy ilay Kintana izay narahin'izy ireo avy tany Antsinana. Teo am-pandinhina an'izany aho, dia nahita an-dalan-tSoratra Masina anankiray ary, satria moa tsy afaka ny ho tonga teto aho ny sasak'alin'ny Noely noho ny fotoam-pivavahana anankiray tao amin'ny fonja, dia nihevitra ny hiresaka ity loha-hevitra manaraka ity aho anio hoe: Nahoana no ilay Betlehema kely?

²⁷ Ary tiako ny hamaky ao amin'ny bokin'ny mpaminany Mika, anankiray amin'ireo mpaminany madinika, ny andininy faha 2, toko faha 5 [Segond :Mika 5:1 — Mpandika].Izao no vakantsika ao:

Fa hianao, ry Betlehema Efrata, Izay kely tsy tokony ho isan'ny arivon'i Joda akory, Dia avy... avy ao aminao no hivoahan'Izay anankiray ho Mpanjaka ... ho Mpanjaka ho Ahy ao amin'ny Israely; Hatry ny fahagola no efa nivoahany, dia hatrizay hatrizay

²⁸ Nisy tasy kely eo amin'ilay andininy, ka izay no antony tsy nahavoavakiko mazava an'io teny io.

²⁹ Amin'ireo toerana rehetra misy ao Palestina, maro anefa ireo tanàndehibe manodidina, tanàna tena fantatra tsara kokoa, raha ny fahitana azy, araka ny tantara, mimanda kokoa sady malaza kokoa, nahoana Andriamanitra no nisafidy an'i Betlehema kely mba hahaterahan'ny Zanany? Maro ireo manana ny maha-izy azy kokoa: ohatra ilay toerana manan-tantarani'i Jerosalema, ilay Jerosalema rehareha, ilay Jerosalema renivohitra, iray amin'ireo tanàna lehibe ao Palestina. Manontany tena àry isika hoe nahoana Andriamanitra no hifidy an'ilay Betlehema kely indrindra ho toerana hahaterahan'ny Zanany.

³⁰ Saingy, araka ny nanambaran'ny Soratra Masina azy hoe: "Izay efa nalamin'Andriamanitra dia ho tanteraka". Ary raha tsy efa voalahatr'Andriamanitra mialoha hoe tahaka an'izany izy io, dia tsy ho tahaka an'izay mihitsy izy io. Ary ny Soratra Masina dia milaza koa ao amin'ny toko faha-15-n'ny Asan'ny Apostoly fa: "Tsy misy zavatra kisendrasendra". Efa fantatr'Andriamanitra ny zavatra rehetra. Tsy hoe tongatonga ho azy sahala amin'izao, kisendrasendra. Fa Andriamanitra no nanao azy ho toy izany.

³¹ Ary isika koa, miaraka amin'ny fahalalan-tsika izay voafetra, dia

manomboka mieritreritra isika hoe: "Nahoana moa ilay Mpanjakan'ny Lanitra lehibe no hisafidy toerana anankiray tahaka an'io, raha tokony ho ny renivohitra, raha tokony ho...?"

³² Nisy mihitsy aza toerana izay na dia ireo lasany ara-panahy aza dia mbola avo lavitra noho i Betlehema. Toerana sasany toa an'i, ohatra, i Silo. Silo dia toeram-pivavahana ho an'ny Israely fahiny, isan-taona dia tonga ao amin'izany toerana malaza izany ny rehetra, izay nitoeran'ny Tabernakelin'i Jehovah. Dia mety hifanontany tena isika arak'izany hoe nahoana no tsy afaka nateraka tao Silo Izzy.

³³ Nisy koa i Gilgala, toerana ara-panahy anankiray hafa, toeram-pivavahana malaza. Koa, nahoana àry Andriamanitra no tsy namela Azy ho teraka tao Gilgala?

³⁴ Nisy toerana anankiray hafa koa antsoina hoe: Ziona; Ziona, eo anttampon'ny tendrombohitra. Dia manontany tena isika hoe nahoana i Jesosy no tsy teraka tao Ziona, izay efa fantatra ara-tantara fa toerana izay, taona maro lasa nifandimby, nitahian'Andriamanitra ny Olony..

³⁵ Toa hoatry ny hoe azony natao angamba ny nifidy an'i Ziona, na Gilgala, na... na Silo, na koa ny iray amin'ireo toerana malaza izay nisy an'ireo fitahiana lehibe sy fampianarana lehibe.

³⁶ Ary nisy koa ireo toerana malaza, toa an'i Hebrona ohatra. Io ilay toerana izay azon'ny olona aleha raha mitady fialofana, toerana azo antoka. Ramota Gileada koa dia anankiray amin'ireo toerana fialofana izay azon'ny olona haleha, izay mety ho toerana tsara anankiray ho toerana nahaterahany.

³⁷ Ary angamba fa, raha izaho no nihevitra an'ilay izy, dia ho nentiko tany Kadesy Barnea Izzy, satria tao no nisy ny foiben'ny fitsarana, sady toerana fialofana ihany koa. Angamba ho nentiko tany amin'io faritra io Izzy, hahatonga azy io ho toerana nahaterahany, na angamba mety ho nisafidy ny iray na ny iray amin'ireo tanàna hafa isika.

³⁸ Saingy, fantatrareo moa, tena faly aho, fa ao anatin'ny Baiboly, na dia ireo antsipirany faran'izay madinika indrindra aza dia manana ny lanjany lehibe. Mino aho fa Jesosy no nilaza an'izao." Tsinontsinoavinareo... na hoe izay zavatra lehibe ao amin'ny lalàna no ataonareo kanefa avelanareo kosa ny zavatra madinika." Kanefa ny zavatra madinika matetika no mihazona an'ireo zavatra lehibe mitambatra." Saingy, rehefa jerena indray miaraka, dia mifampiditra tsara tanteraka araka ny nitiavan'Andriamanitra azy ny kodia lehibe rehetra. Tsy misy na dia anankiray aza hifandiso. Efa vitan'Andriamanitra mialoha ny zavatra rehetra, ary ny rehetra dia tsy maintsy mipetraka tanteraka araka ny nandaharana azy.

³⁹ Noho izany, rehefa tonga eo amin'izay ny finoantsika, ary manomboka hisaintsaina isika hoe: "Iza àry no ao ambadik'izany rehetra izany? Inona ny resaoro lehibe izay mampihodina io hery lehiben'Andriamanitra io?"...fantatsika fa ny Fanahy Masina izany. Tsy napetraka eo am-pelatanan'olombelona ny hanao ny zavatra, fa eo am-pelatanan'ny Fanahy

fahafatesana amiko. Ny laza, ny... ny maha-izaho ahy, izay haha-izaho ahy, izany rehetra izany dia tsy misy dikany, Tompo, ny ilaina dia ny manatantekana ny faniranao." Izany no atao hoe mpiady mijoro eo anilany. "Na ho lazaina fa hoe "holy rollers" [masina mitsilailay amin'ny tany-tenin'ny mpandika-] aza aho, na voatohintohina aza ny lazako, na ho voaroaka eny andalam-be aza aho, tsy ahoako izany :"ny faniranao no baiko iray ho ahy." Izany no tena miaramila marina.

¹²³ Inona no nataon'izy ireo? Niady izy ireo, tsy nitsahatra mandrapahatongan'izy ireo teo amin'ilay fatsakana. Natsobok'izy ireo tao ny sininy, ary niverina izy ireo ka mbola niady indray koa, nampiady ny vy havia sy havanana mba hahazoana lâlana. Farany, tonga teo anatrehan'i Davida ihany izy ireo ka niteny hoe: "Inty, tompoko!". Oh!la!la! Ahoana an? Lehilahy anankiray latsaka tao anatin'ny henatra, lehilahy iray halan'ny Fianganana, lehilahy iray izay halan'ny mpanjaka, lehilahy iray izay halan'ny Filistina, lehilahy iray izay ankahalaina saiky avy amin'ny ankolafiny rehetra mihitsy, afa-tsy io andiany kely izay nanaraka azy io ihany; izy ireo dia nahalala fa izy io no ilay mpanjaka izay ho avy tsy ho ela.

¹²⁴ Fantatro fa mihiro hira tsara isika amin'izao fotoana izao, manorina fianganana tsara tarehy isika, manana ny hira fiderana kanto dia kanto isika sy ny sisa rehetra, toy izany no hidrean-tsika azy; kanefa hoy Jesosy hoe: "Fa ny fonareo kosa manalavitra Ahy, satria nampianatra fitsipika izay didin'olombelona ianareo." Aoka ho tonga ny Fanahy Masina ka hanao zavatra ao amin'ny fianganana, haneho ny fanatrehan'i Jesosy Kristy, ka handroaka anareo any ivelany izy ireo. "Foana ny fanomezanareo voninahitra Ahy." Mivavaka izy ireo, saingy: "Foana no anaovanareo izany, fa mampianatra fombafomban'olombelona ho fotom-pampianarana ianareo."

¹²⁵ Saingy misy koa anefa ireo mpiady izay mino Azy, misy ireo mpiady izay mijoro eo anilany miaraka amin'ny fahalalana ara-panahy, tahaka an'izay nisy tany, dia tao Betlehema kely izany!

¹²⁶ Noraisin'i Davida ilay sinin-drano, nojereny ilay izy, ary ny Baiboly dia milaza fa nararany tamin'ny tany izany. Hoy izy hoe:" Tompo ô, ho lavitra ahy anie ny hisotro an'ity, satria ireo... Ireo mpiadinao dia nivarotra ny ainy mihitsy nandeha tany sy nitondra ity rano ity ho ahy. Ràn'olona izany. Tsy afaka ny hanao an'izany aho." Ary izany rano madio izany,- izay saiky namoizan'izy ireo ny ainy izany, teo am-pamakivakiana ny faritry ny fahavalao sy teo am-pandehanana tany – dia nararak'i Davida tamin'ny tany, mba ho fanatitra an-tsitraro ho an'ny Tompo. Tsy hoe fihetsika mampiseho tsy fanajana akory izany, fa ny mba hahatantekana ny Soratra Masina fotsiny ihany.

¹²⁷ Satria, na dia Mofon'Aina tokoa aza Jesosy avy ao Betlehema, dia Ranon'Aina ihany koa Izzy. Tena azo antoka mihitsy izany. Inona no nataony? Sady voasaho teo amin'i Davida Izzy no voasaho ihany koa teo amin'ireo mpiady ireo; satria Izzy no Ilay Mpanjaka sady ilay mpiady izay tonga sy nitady lâlana anankiray teny anivon'ny faritry ny fahavalao. Amena! Resiny ny

fotsiny mantsy aho." Teo no nampitamberina ny eritreriny tany amin'ireo vavahadin'i Betlehema. Nisy fatsakana anankiray mantsy tao. Tsy misy rano azo ampitahaina amin'ny ranony.

¹¹⁸ Mba fantatrareo moa, manana rano ratsy i Palestina. Ny ranon-dry zareo ireo dia misy otrik'aretina ary mety hamindra tazo "black water" [karazana aretina malaria mahery miaraka amin'ny fivalanan-drano misy rà-naotin'ny mpandika-] ankoatry ny sisa hafa. Misy koa amin'ny ankamaroan'ny ranon'izy ireo izay misy amoniaka ka hahafaty anareo.

¹¹⁹ Fa, Betlehema koa anefa dia foiben'ny rano ao amin'io faritany io. Tsy nisy mihitsy rano azo ampitahaina amin'ny ranon'i Betlehema! "Dia nieritreritra i Davida hoe: "Oh, rehefa nandeha niaraka tamin'ireo ondriko aho indray maraina, dia nandalo teo akaikin'io fatsakana trrainainy io mba hisotro rano. Oh! Tena mangatsiatsiaka sy madio tokoa ny ranony, ary tena mahafaka hetaheta tokoa!"

¹²⁰ Saingy ankehitriny kosa dia mirehitra ny tendany, izy anefa voahosotra. "Oh! Raha mba afaka mahazo rano iray vera fotsiny mantsy aho!" Koa arak'izany ireo miaramilany ... Tao anatin'ny fahakiviany izy no niantso mafy hoe." Oh! Raha mba misy olona anankiray fotsiny mantsy mba afaka hitondra rano ho ahy hosotroiko avy ao amin'io fatsakana trrainainy io, io eo Betlehema eo." Oh, rehefa avy nanofinofy ireo andron'ny fahazazany sy ireo fandreseny izy dia indro hitany ny tenany ankehitriny eo amin'io toerana io, voatery andaniny roa, ka dia niantsoantso hoe:" Oh! Raha mba misy olona anankiray mitondra rano ho ahy avy ao Betlehema ao mantsy!"

¹²¹ Tsy afaka namaky ny tao anatin'ny fisainany ireo miaramilany, saingy, rahalahy, tena notiavin'izy ireo tamin'izay rehetra nananany mihitsy izy. Ny faniriany faran'izay kely indrindra dia efa baiko anankiray izany ho azy ireo. Ny telo tamin'ireo mpiady Maheriny arak'izany dia namoaka ny sabany tao amin'ny tranony, nijokojoko moramora niala ivelan'ny toby ary nanavatsava lâlana efapolo kilometatra [Dimy amby roapolo maila – naotin'ny mpandika-]. Rehefa lasa izy ireo, dia mazava ho azy fa manontany tena i Davida hoe: "Aiza izy ireo, inona no nataony? Lasa aiza izy ireo? Tsy fantatr'izy ireo angaha fa ny ain'izy ireo no hanefa?" Las a nantsampy teny an-tan'an'ny fahafatesana izy ireo, miaraka amin'ireo velam-pandrika natsangana etsy sy eroa nanerana ny efapolo kilometatra [dimy amby roapolo maila-naotin'ny mpandika-]. Nivilivily ny sabatra, nifandondona ny fiarovan-tratra; saingy ilay olony, ilay rahalahiny, izay araka ny finoan'izy ireo azy, fa ho tonga mpanjaka, dia tehisotro rano.

¹²² Oh, ry rahalahy, manontany tena aho raha mba vonona ireo mpiady amin'izao andro izao ny hanavatsava lâlana anankiray manoloana ny fanarahana fombafomba, ny fisalasalana, sy ny tsy finoana, mba hihainony ny fanirian'ny Tompo eo amin'ny Fanatrehany. "Ny Fanirianao farany bitika indrindra ... raha i Afrika izay, raha i Inde izay, raha eny an-dalana izay, na aiza izany na aiza tsy hampaninona ahy! Fa ny fanirianao faran'izay bitika indrindra Tompo ô, dia efa baiko iray ho ahy izany. Tsinotsinona ny

Masina. Izy ilay resaoro lehibe, ary raha hakambany ny fitaovana hafa, dia hihodina tanteraka ny rehetra ka hanondro ny ora marin'Andriamanitra.

⁴⁰ Hitantsika izany; ary izany no mitarika antsika hieritreritra, rehefa mandinika an'ireny zavatra lehibe ireny isika sy ny hoe ahoana no hitiavantsika haha-izy an'ilay izy. Tena mampahery marina tokoa arak'izany ankehitriny ny mieritreritra fa, na dia vondrona kely faran'izay bitika indrindra aza isika eo imason'izao tontolo izao sy ireo anaram-piangonana lehibe indrindra, dia matetika mihitsy Andriamanitra no mampiasa an'ireny zavatra kely tsotsotra ireny, na dia eo aza izany rehetra izany.

⁴¹ Satria voasoratra koa ao amin'ny Soratra Masina hoe: "Aza matahotra ry ondry vitsy, satria sitraky ny Rainareo izay any an-danitra ny hanome anareo ny Fanjakana." Fampaherezana manao ahoana ho ahy re ny mahalala fa tena azo antoka tokoa tahaka ny tsy maintsy nahateraka an'i Jesosy tao Betlehema kely, dia ho toy izany koa, io ondry vitsy io no ilay homen'ny Ray ny Fanjakana; satria izay no voasoratra, ary ny Soratra rehetra dia avy amin'ny tsindrimandry ary ny Soratra rehetra dia tsy mety ho levona Tsy maintsy tanteraka izy ireo. Manana fanantenana àry isika ny hahalala fa ... fa ondry vitsy no hahazo ny Fanjakana, mpino ondry vitsy mahatoky. Manantena ny ho iray amin'ireo ondry ireo aho, na hoe ao anatin'io ondry vitsy io, izay no tokony holazaiko.

⁴² Ary koa fantatsika ny tantara, ny ankamaroan-tsika dia samy mahalala ny tantara, manoritra ny fidiran'ny Israely tao Palestina tamin'ny alalan'ny fampantanen'Andriamanitra. Fantatra fa ilay Josoa lehibe no ilay nanolotra tamin'ny foko tsirairay avy ny anjarany.

⁴³ Ary noho izany, raha manana fotoana marina tokoa isika mba hijanonana eo amin'io lohahevitra io hatramin'ny enina ora izao hariva izao, ka handinika an'ireo zavatra ireo isan'ambaratongany mba hamoahana ny dikany rehetra... saingy tsy ho vitan-tsika izany satria tsy manana afa-tsya teolopolo na efapolo minitra sisa isika. Tsy mahavita afa-tsya ny mikasika an'ireo zava-dehibe fotsiny sisa isika, eo am-panantenana fa ny Fanahy Masina no hametraka, ho anareo izay mamaky ny Baiboly, ny sisa rehetra ao am-ponareo arakaraky ny handrosoan-tsika..

⁴⁴ Mba fantatrareo ve fa ireo zara-tany, araka ny nanomezan'i Josoa azy ireo tany Palestina ireo, dia nomena tamin'ny alalan'ny tsindrimandry? Ary ireo reny Israelita an'ireo patriarka ireo, rehefa eo am-pivoahana ny zaza, ka teo izy ireo tao anatin'ny fanaintainana hiteraka an'ireo zanany ireo, dia nanome ny toerana marina izay hisy sy hitoeran'ireo patriarka ireo amin'ny andro farany..

⁴⁵ Resaka tsindrimandry ve no lazainareo? Ity Baiboly ity dia tsindrimandry! Na toa inona na toa inona hahakeliny, ny andalana kely tsirairay ao amin'ny Soratra Masina dia manana toerana goavana ao amin'ny ... ao amin'ilay sary lehibe. Ireo rehetra ireo, isaky...ny IZAO tsirairay dia avy amin'ny tsindrimandry avokoa, ary eo amin'izany no mihamanta ny

fiafaran'ny fanahy, satria eo amin'izany ilay Tenin'Andriamanitra tsy mety maty sady mandrakizay..

⁴⁶ Ary na dia ireo reny ireo aza, teo am-piterahana an' ireo zanany, rehefa namoaka ny feony izy ireo, dia nametraka azy ireo teo, teo amin'ny toerana izay tokony ho azony ao amin'ilay tany nampanantenaina an-jato taonany maro taty aoriana. I Josoa dia tsy nahalala na inona na inona ny amin'izany, kanefa kosa, teo ambanin'io tsindrimandry io ihany, dia nametraka azy ireo tanteraka teo amin'izay tokony hisy azy ireo.

⁴⁷ Ary Josoa, teo am-panaovana ny fizarana, dia nanome anjara an'i Joda. Raha mijery ny saritany ara-jeografia ianareo, dia ho hitanareo fa eo andrefan'ny ranomasin'ny tany lemaka ary kilometatra vitsivitsy atsimon'i Jerosalema renivohitra izy. Ary rehefa nahazo ny anjarany teo amin'ny tany i Joda – azontsika antsoina hoe ny faritaniny – dia mahagaga, fa tsy mba voatonona mihitsy akory aza ity tanàna kely ity, dia i Betlehema izany. Kanefa dia teo izy io, satria Abrahama ... na i Rebeka angamba izy izay, dia nalevina tao amin'io toerana io. Saingy mety ho tanàna kely fotsiny ihany angamba izy io tamin'izany, satria raha mamaky ny ao amin'i Josoa toko faha-5 ianareo dia ho hitanareo fa misy tanàn-dehibe dimy ambifolo ambizato ny an'i Joda, ankoatr'ireo tanàna kely madinika; 115 no voasoratra. Angamba tamin'ny fotoana fizarana dia diso kely loatra ilay Betlehema, mety ho nisy trano iray na roa fotsiny angamba ka tsy mba voasoratra tao amin'ilay lova izy. Ary koa, hitantsika fa tena tsy fantatra tanteraka tokoa izy...

⁴⁸ Ny zanak'i Kaleba no nanorina azy io; Salma no anarany. Izy no mpanorina azy io tamin'izany. Ny Baiboly no milaza fa izy no rain'io, izany hoe izy no mpanorina an'i Betlehema. Amin'ny teny hafa dia hoe mety ho lasa nandeha nanorim-ponenana tao izy ary nanokatra varotra, ary ny fifanakalozana ara-barotra no isan'ny nanampy tamin'ny fampandrosoana azy io. Dia ho hitantsika ny tena antony marina izay, taty aoriana, nahatonga ny firenena iray manontolo ho nialona an'io sombin-tany kely io izay nihitatra nianavaratra sy niatsinanana ka somary nidina kely nitsotsorika mankany atsimo lasa tahaka an'ireny vy kely amin'ny kiraron'ny mpitaingin-tsoavaliny ireny. Io no toerana lonaka indrindra ao Palestina manontolo. Io no faritra fambolena voamaina sy vary ary nisy voly oliva lehibe ary zavatra hafa tao amin'io ampahan'i Betlehema io, na ny ampahan'i Palestina, ery amin'ny tendron'ny faritanin'i Joda.

⁴⁹ Hitantsika fa i Rahaba janga koa dia nandeha nanorim-ponenana tao. Rehefa niampita an'i Jordana ny Israely, izay manamarika ny sisin-tanin'ny Palestina... Fantatsika ny tantaran'i Rahaba janga. Ndao asehontsika vetivety izany izao maraina izany, toy ny... vehivavy tanora anankiray, vehivavy tanora tsara tarehy anankiray izay, vokatry ny loza nitranga teo amin'ny fiaianany, dia noteren-javatra, izy rahateo moa mbola mpanompo sampy...noteren-javatra niaina tamin'ny fiaianana izay nananany. Ary matetika ny olona dia teren-javatra haina amin'ny fiaianana izay ananany.

⁵⁰ Indray hariva aho dia nandeha tany amin'ny fonja, njery lehilahy

habakabaka aho, ka niteny tao amin'ny foko izay mbola zaza Andriamanitra. Tsaroako ilay andro izay tena nahatafiditra ahy tao amin'ny Fanahy tanteraka, nibanjina an'ireo rahona sy ireo ahi-maitso, hany ka, rehefa natosiky ny Fanahy aho dia nihira nanaoangoan-tenda mihitsy nanao hoe :

Jehovah no MPIANDRY ahy, Tsy hanan-java-mahory aho.

Eny, na dia mandeha mamaky ny lohasaha aloky ny fahafatesana aza aho, dia tsy hatahotra ny loza aho; fa Hianao no amiko...

¹¹³ Oh!la!la Kanefa dia indro izy fa tena teo an-tanan'ny fahafatesana mihitsy tamin'io fotoana io – ary amin'ny lafiny anankiroa. “Ary na dia mandeha mamaky ny lohasaha aloky ny fahafatesana ... Ilay andro fahiny, rehefa nomba ahy ny Fanahy, rehefa nomba ahy Andriamanitra, raha nihira an'ireo hira fiderany aho ka nifaly ny amin'ny fanatrehany.”

¹¹⁴ “Tsaroako ilay indray mandeha, nisy liona tonga indray maraina izay ka nandrombaka ny anankiray tamin'ireo ondriko. Tonga tamiko ny Fanahin'Andriamanitra, dia nenjehiko ilay izy, noraisiko ary dia noviraviraiko. Tadidiko izany fanavotana izany. Oh, tsaroako ilay indray hariva, tena talohan'ny nilentehan'ny masoandro iny indrindra, nisy bera anankiray tonga naka ny iray tamin'ireo ondriko, ary dia novonoiko.” Ireo fanavotan-dehibe!”

¹¹⁵ “Tsaroako raha mbola zaza aho, dia nihira ny hira fiderany, teo am-pamahanam-bilona an'ireo ondriko. Andriamanitra ô, avereno eo amin'izany toerana izany aho. Avereno amin'ilay fitiavako voalohany aho. Avereno any aho ary omeo ahy indray ilay tehiko fiandrasako ondry. Omeo ahy indray ireo andian'ondriko. Avelo ho irery aho, hanompo Anao.”

¹¹⁶ Lasa mieritreritra an'izany isika, saingy ao anatin'ny ady mangotraka anefa no misy antsika amin'izany ka tsy maintsy manao zavatra isika. Nisy ny fotoana naha-zaza antsika saingy efa lehilahy lehibe kosa isika ankehitriny. Mirongatra ny ady. Tsaroako tsara tamin'ilay mbola taimbakona no teo amin'ny tany ka nihorakoraka sy nifaly ny olona, ary dia tsy azo nitsofohana mihitsy teto fa tena be olona be mihitsy. Saingy tsy tahaka an'izay intsony kosa ankehitriny. Mangotraka ny ady. Tsy I William Branham ilay tovolahy mpitoriteny intsony izao, fa tsy maintsy mamokatra zavatra. Eny tompoko, tokony hisy zavatra hafa mihitsy amin'izay izao. Mandroso ny ora. Mangotraka ny ady. Manomboka tsapa ny hafan'an'ny afo. Efa fotoan'ny fanavotana izao ho an'ny olona, ho an'ireo izay hita voasoratra ao amin'ny Boky. Ankehitriny tonga ny ora.

¹¹⁷ Davida, kivy tanteraka, dia nanomboka nivezivezy, nieritreritra hoe: “Oh, mafana izany andro izany! Oh! Tena mafana izy izany! Oh! Saoly izao mety ho tonga avy atsy amin'ny ilany atsy, ary ny Filistina indray kosa mety ho avy eroa amin'ny ilany eroa; tena manodidina antsika mihitsy ireto ny tafika rehetra, indro anefa izahay fa mipetraka eto, eto amin'ny varavarany zohy eto. Kanefa anie dia eo amiko ilay hosotra é. Ahoana ny amin'izany Andriamanitra ô, ahoana ny amin'izany? Oh, raha mba afaka misotro rano

¹⁰³ “Tsy hikasika izay zava-malotonareo aho.” Amena! Izay ilay fahavalo! Ary izay ilay mpiady!

¹⁰⁴ “Fa ianao ve tsy hijanona amin’ny rediredin’ireo “Holy rollers” [masina mitsinkasina amin’ny tany – naotin’ny mpandika] izay inoanao ireo é?”

¹⁰⁵ “Andriamanitra no inoako.Mitoetra mahatoky aho!” Izay! Izay ireo mpiady.

“Oh, fa te-hilaza ve ianao fa hoe... Fa tsy misy anie izany fansitranana avy amin’Andriamanitra izany é!”

“Izay no fiheveranao azy fa izaho kosa dia mahafantatra izay inoako”

¹⁰⁶ “Tsy misy izany Batisan’ny Fanahy Masina izany. Izany andro izany dia efa momba ny lasa.”

¹⁰⁷ “Izay no fiheveranao azy, fa izaho kosa efa naharay Azy. Tara kely fotsiny ianao nilaza ny mikasika izany.”

¹⁰⁸ Fantatr’izy ireo fa ilay hosotra dia efa nipetra teo ambonin’ity tovolahy mena fihodirana ity, fantany fa ho lasa mpanjaka izy io.

¹⁰⁹ Saingy Davida kosa, tao an-tsainy tao, dia niasa loha mafy. Toy ny hitako mihitsy izany: ndao jerentsika izy vettivety. Nandeha teo izy dia nipetraka; ary avy teny ambony teny dia njery izy, nieritreritra hoe:” R’ilay tanàna malalako, r’ilay Betlehemà keliko, jereo anie ity izy é, ilay toerana izay nisehoan’ny zava-dehiben’Andriamanitra; ny rain’ny raiben’ny raiko dia tao no teraka; ny reniben’ny reniben’ny renibeko dia niteny tamin’ny ... tamin’ny andro nahaterahan’i Joda, ilay foko izay nipoirako, fa tao dia nisy zavatra ivelan’ny zava-boahary niseho. Izy no nanonona ny anaran’ilay toerana, ary dia tao amin’izay toerana izay mihitsy no nametrahan’i Josoa an’io zanaka io. Ary niainga avy teo, no niseho ny zavatra rehetra. Tsy maintsy tanteraka ilay izy. Mpiandry ondry aho tamin’izay raha nandraraka ny dilolo teo amin’ny lohako Ianao. Nilaza Ianao fa izaho no ho Mpanjaka. Mino Anao aho. Amena!”

¹¹⁰ Avy eo dia njery tany ambany indray izy, ka nieritreritra hoe: “Eh, ireo rehetra eo ireo, ao amin’ilay tanàna keliko, tao amin’ilay toerana nahaterahako, ilay andian’olom-bitsy izay nisy ahy ... Tamin’ny andro fahiny tokoa izany.”

¹¹¹ Tokony ho nahazo tombony niverenana tany aoriana ny Metodista, tany amin’ny andro fahiny, raha tamin’izy ireo mbola vitsivitsy ka nivory tao anaty trano fianarana kely anankiray teto Amerika, ka nidaraboka teo ambanin’ny Herin’Andriamanitra ary namafimafy rano tamin’ny tarehiny tamin’izany. Ary ianareo Batista ireo, dia tsaratsara kokoa aminareo raha mba mahatsiaro izay nihavianareo ianareo. Ny sisa hafa koa. Ianareo Pentekotista ireo, mba tadio re hoe avy taiza no nihavianareo ireo é! Marina izany.

¹¹² Indro àry Davida, tao anatin’ny ady mivaivay, fa nanomboka nieritreritra hoe:”Oh, tsaroako ireo alina izay natoriako teny an-tsefatsefan’ny havoana. Tsaroako rehefa nandinika an’ireo kintana nifindrafandra teny amin’ny

anankiray izay nanefa ny saziny tao. Izaho... notantanako izy ary dia niresaka taminy aho. Hoy aho taminy hoe: “Fa nahoana kosa àry ianao no dia nahavita zavatra toy izany é” Ary , teo am-pihazonana ny tanako izy, dia nanomboka niresaka. Noteren-javatra hanao izay nataony izy. Ary noho izany, dia hoy aho taminy hoe.”Ianao mihitsy raha izany no namela an’ilay zavatra hanery anao hanao an’ilay izy. Tsy voatery hanao an’ilay izy ianao; tsy misy lehilahy azo terena hisotro toaka izany mihitsy”. Hoy aho hoe: “Izaho koa aza dia mba mikorontan-tsaina saingy tsy dia ilaina ny hahazoana an’izany zavatra izany”

⁵¹ Fa ity vehivavy tanora ity, vantany vao nandre voalohany ny amin’ny Israely izy, sy ny amin’ny hoe Andriamanitra dia ...Andriamanitra anankiray mihaino vavaka, tsy hoe Andriamanitra ivavahana fotsiny ihany fa Andriamanitra mamaly koa avy eo. Rehefa nandre ny amin’Andriamanitra anankiray izay nanao fahagagana izy, izay afaka manao fahagagana, izay nandritra ny ranomasina ka nandatsaka mofo avy tany an-danitra, tamin’izay fotoana izay no nanomboka nangovitra ny fony. Ary tamin’izay, rehefa nandre ny hafatra voalohany ho azy izy avy teo am-bavan’ny mpitoriteny anankiroa izay tonga tao, poa toy izay dia nanaiky azy tamin’ny fony rehetra izy. Ary nisy kofehy jaky anankiray nafatotra teo amin’ny varavar-an-keliny mba ho fiarovana ny ankohonany, satria nandre ny hafatra izy.

⁵² Afaka manampy zavatra kely aho eto: Mba fantatrareo ve fa hoe izy io anie no tandindona iray an’ny Fianganan’ny jentilisa ?Anisan’ny jentilisa izy ary izy no tandindon’ny Fianganan’ny jentilisa. Rehefa nandre ny Hafatra isika, isika rehetra dia samy efa nitondra ny fiainan’ny fijangajangana arapanahy nanohitra an’ilay Andriamaniry ny Lanitra, tao anatina karazan-javatra maro, karazana anaram-piangonana sy fivavahana maro. Saingy rehefa nandre kosa isika fa misy Andriamanitra anankiray izay velona mandrakizay mandrakizay ary afaka manao fahagagana, poa toy izay dia nandray ny Hafatra isika.

⁵³ Ary nanomboka tamin’izay fotoana izay no napetaka ilay Ràn’i Jesosy Tompo, izay no dikan’ilay kofehy jaky. Ary raha tsy dia hiditra loatra amin’ny antsipiriany, dia fantatrareo fa nahantony teo amin’ny varavarankeliny izy io mba ho hitan’ny rehetra, naseho ampahibemaso ilay Rà. Fa tahaka an’izay mihitsy no tsy maintsy nampisehoana an’ilay Rà, ampahibemaso, miabantona amin’ny rindrina ety ivelany mba hampisehoana fa misy zavatra miseho ao anatiny ao. Toy izany mihitsy koa ny ho an’ny Kristiana marina ao amin’ny Kristy izao maraina izao: ety ivelany ety no misy, tena hita tsara mihitsy, ny Ràn’i Jesosy Tompo, izany no mampiseho fa misy zavatra miseho ao anaty ao.

⁵⁴ Ary vokatr’izay, rehefa nararaka ny fahatezerana ka nanomboka nitsoka ny trompetra, dia mijery avy any ambony Andriamanitra ka mahita an’io kofehy jaky io, miabantona eo ho fahatsiarovana. Tena nahafaly Azy foana ny mandalo eo amin’ilay Rà. “Raha hitako ny Rà dia handalo anareo fotsiny Aho”. Hitany ilay Izy. Ary tamin’ny fotoan’ny fanozongozonana, rehefa nakotrokotrokin’ny Fanahy Masina ny tany ka narodany ny rindrina izay efa nisy ho enina metatra tany ny hateviny, dia tsy mba nisy na dia vato iray akory

aza nilatsaka avy teo amin'ilay toerana namatorana an'ilay kofehy jaky. Izany dia mampiseho ny fiarovan'ilay Andriamanitra anankiray marina manoloana ny mpino marina anankiray; tsy mampaninona izay toetraeo tamin'ny fotoana nahitany anareo, manaiky an'ilay kofehy jaky fotsiny no hany hataonareo. Tamin'ny alalan'ny Baiboly no nandrandranana azy io.

⁵⁵ Hitantsika avy eo fa rehefa avy nalaina izy, toy ny hoe efa Israelita anankiray izy tamin'izany, dia latsam-pitiavana tamina lehilahy anankiray izy izay kapiteny sady andriandahy tao Joda. Kapitenin'ny Tafika Israelita izy io. Salma no anarany tahaka ny Solomona mpanjaka. Kapiteny ary izy io arak'izany; ary nanam-pitiavana tsotra an'io kapiteny io izy, izay andriandahin'i Joda. Ary ny niafarany dia nanambady azy izy. Ary rehefa vita ny fizaram-pananana ho an'ireo Israelita, dia lasa nandeha nipetraka tany Betlehemia izy sy ilay vady malalany.

⁵⁶ Manomboka mahita an'ilay izy mazava tsara ianareo izao, sa tsy izany? Hitanareo? Manomboka miha-mazava ilay izy rehefa hitantsika ,fa nivelona tao Betlehemia izy, izy ilay vady anankiray avy tamin'ny Jentilisa nikambana tamina Jiosy anankiray. Satria nino Andriamanitra anankiray mahavita fahagagana izy. Jereo hoe avy taiza no nivoahany: avy tamina ankohonana anankiray ratsy laza, ankohonam-pijangajangana. Tamin'ny alalan'ny fiovam-pony sy tamin'ny alalan'ny finoany tsy azo hozongozonina an'Andriamanitra, dia avy tamina ankohonana mpijangajanga izy no niala nankany amina ankohonana tsara tarehy anankiray tao Betlehemia. Fahasamihafana toy ny inona re izany!

⁵⁷ Izany no zava-mitranga amintsika tsirairay avy: avy tamin'ny ankohonan'ny tsy finoana, an'ny fahadisoam-panantenana, an'ny fitondrantaena ratsy sy ny sisa, nankany amin'ny toerana anankiray, toerana ao amin'i Kristy, izay tsara indrindra. Avy amin'ny tsy misy dikany mankany amin'ny faratampony indrindra, izany no fahasamihafana aterak'ilay izy nohon'ny fiovam-pontsika. Ary mba voatsikaritraiseo ve fa nanambady andriandahy anankiray avy tamin'ny taranak'i Joda izy, kapiteny anankiray? Io kapiteny io no endrik'i Kristy, izay naka vady anankiray avy tamin'ny jentilisa. Nandalo avy tamin'ny toerana farany ambany nankany amin'ny farany ambony indrindra sy tsara indrindra teo amin'ny firenena. Hasehontsika somary lavidavitra mandritra ity hafatra ho antsika ity, fa tahaka izany tokoa ilay izy ary tsy mety ho zavatra hafa ankoatr'izay. Io ilay endriky ny Fiagonana Jentilisa.

⁵⁸ Ary hitantsika fa izy ireo dia nahazo ankohonana tsara tarehy anankiray tao Betlehemia, satria moa i Salma no ... no nanorina azy ary dia lasa toerana lehibe izy, miaraka amin'ireo tany tsara sy lonaka. Zava-mahagaga manao ahoana tokoa moa ny mahalala fa io ilay tanimbarystre lehibe io anie no lasa tonga foiben'ny mofo eran-tany. Ary, marina izany, tsy mahagaga raha tao no tsy maintsy nateraka Jesosy; satria Izy no Mofon'Aina! Ny firenena rehetra dia tonga tao hitady ny varim-bazahany, ny firenena rehetra dia tonga hitady voa famafy. Satria dia tao, tao Betlehemia, no nisy an'io tany lonaka rehetra io.

homenao ahy izany mba hikarakaroko ny Vahoakanao, kanefa dia indro aho ity fa notarihinao eto afovoan'ny ady mihitsy?" Eritreritra tahaka an'izany no nanivatsiva tao am-pony.

⁹⁸ Nipetraka teo an-kavoana izy, ary avy teny an-tampon-kavoana teny, dia njery izy; niditra ireo Filistina ary nametraka toby miaramila tao Betlehemia, dia ilay fonenany mihitsy. Lasa eo am-pelatanan'ny fahavalao ary arak'izany ny tananany. Ary, niaraka aminy, ny ankohonan-drainy, ny ankohonan'i Jese, dia lasa andevo, teo ambany fahefan'ny Filistina. Ilay tena fireneny sy ilay Fiagonany no nanohitra azy. Etsy an-daniny dia miady amin'ny fahavalony izy, etsy an-kilany kosa dia miady amin'ny olon'ny Fiagonana izy: tsy hoe izy akory no nitady an'izany fa noterena izy.

⁹⁹ Tena matetika mihitsy isika no terena hanao zavatra sy hilaza zavatra izay tsy tian-tsika ho lazaina; ny mpitarika marina anankiray dia voatery hanao an'izany. Tsy maintsy manapa-kevitra izy ary mampiseho ny lokony. "Handeha hanaraka an'ireo vitsy an'isa izay manaraka ny Tompo aho.", hoy ny ilazan'ny mpamoron-kira azy.

¹⁰⁰ Teo ary izy tamin'io andro migaina be io, ary tsy isalasalana mihitsy fa nivezivezy teo foana izy njery nitodika tany amin'ilay lohasaha lavabe (Eo amin'ny 40 kilometatra [25 maila-naotin'ny mpandika] raha mandeha mandroso sy miverina). Teo amin'io lafiny iray io no nisy ny ankohonan-drainy, rotiky ny fanandevozan'ireo Filistina. Tetsy amin'ny lafiny faharoa indray kosa dia nisy an'i Saoly... Ary dia indro izy fa nipetraka teo afovoany, satria naka ny fanapahan-keviny izy. Fotoan-tsarotra toy ny ahoana re izany! Voazara tanteraka i Israely tamin'izany, ny Fiagonana dia voazarazara ho anaram-piangonana samihafa, raha toa ka izay no azoko ilazana azy; ary dia indro i Davida mitsangana etsy amin'ilay ilany etsy, tsy mahafantatra izay hataony, kanefa kosa dia mahalala fa napetraka teo aminy ilay hosotra. Fantatr'izy ireo fa teo ilay hosotra. Fantatr'izy ireo fa ho tonga mpanjaka i Davida. Haleloia!

¹⁰¹ Fantantsika hoe iza no ho tonga Mpanjaka! Tsy mampaninona hoe iza no ho lasa Filoham-pirenena. Fantattro hoe iza no ho Mpanjaka. Ho Mpanjaka Izy. Ary fantattro fa tsy mora ny mandray fanapahan-kevitra. Saingy, Andriamanitra ô, ampio aho hanakimpy ny masoko amin'ny anaram-piangonana sy ny sisa rehetra, ary hampibanjina ny fijeriko eo amin'izay hitako tary, ao amin'ny ara-panahy: Izy ilay Mpanjaka ho avy. Izy no hotompoiko. Raha ilaina ny hahafatesako, dia avelao aho ho faty; raha ny ankohonako no tambiny amin'izany, ireo olo-malalako, ny antokom-pinoako, raha izay ananako rehetra no ho tambiny, dia avelao aho hanompo Azy. Hijaona hiaraka Aminy aho. Izany no mpiadin'Andriamanitra, toa an'ireo izay niaraka tamin'i Davida. Nandroso izy ireo, ny tanany tsy niala teo amin'ny sabany mandrakariva. Tahaka izany no fandehan'ny mpiadin'Andriamanitra: Vonona izy ireo!

¹⁰² Hoy ny fahavalao hoe: "Mila mandray vera kely ianao, raha te-hiaina amin'ny fiaraha-monina."

dia manamboatra bitro anankiray hafa avy amin'izany indray”, miezaka mandà ny Tenin’Andriamanitra. Saingy misy vahoaka anankiray kosa anefa izay mino an’Andriamanitra ka mihazona mafy tsy misy hoatr’izany. N’inona n’inona hidona, mino an’Andriamanitra izy ireo. Marina Andriamanitra. Mihazona ny Tànan’Andriamanitra tsy miova izy ireo. Ao anatin’ny ady, eo amin’ny zavatra rehetra, dia mihazona hatrany ny Tenin’Andriamanitra tsy miova izy ireo. Fantany fa ho avy ho Mpanjaka tsy ho ela Izy.

⁹⁴ Ny olona amin’izao andro izao dia mihomehy sy maneso azy ireo, lazainy hoe “holly rollers” [izay midika hoe “masina mikodiadia amin’ny tany”] izy ireo rehefa tonga aminy ny Fanahy Masina -- naotin’ny mpandika], lazainy ho izao sy izao izy ireo, nefo ireo mpiadin’Andriamanitra ireo dia mitoetra mahatoky eo amin’ny toerana foana. Azonareo antsoina hoe “andian” ny fanasitrana” izy ireo, azonareo antsoina hoe “andian’olona mirehidrehitra tsy amin’antony’ izy ireo’, sy izay rehetra tianareo, fa hijanona foaka hifikitra amin’io Mpanjaka io izy ireo. Fantatr’izy ireo fa ho tonga eo amin’ny fitondrana Izy. Avelao izy ireo hanao tsinontsinona ny Anarany, avelao izy ireo haneso, avelao izy ireo hiantso an’ireo olona izay mino Azy hoe “voailika”, “fatritran’olona”, tsy mampaninona azy ireo velively izany, mitoetra mahatoky eo amin’ny toerany hatrany foana izy ireo.

⁹⁵ Ireo mpiady ireo, izay niaraka tamin’i Davida, dia nitoetra teo anilany foana. Ka na Filistina anankiray, na iza na iza ho avy eo, tsy maintsy niady, satria nenjehina hatraiza hatraiza izy ireo. Io Davida mahamantra io àry, tena niady saina mafy, dia nieritreritra hoe, nisaina hoe:”Fa, ahoana marina àry, Tompo no mahatonga an’izao ??”

⁹⁶ Fantatrareo moa, ny mpitarika matetika dia mandalo zavatra izay tena tsy fantatry ny fiangonana velively mihitsy. Rehefa misaina an’ireo teny fikasana izay nataon’Andriamanitra ianareo, dia manontany tena hoe fa nahoana àry izy ireny no tsy tanteraka. Tsy lazain’izy ireo amin’ny fiangonana izany, tsy lazainy amin’ny olona iarahany izany, kanefa dia tena misy tokoa ny adint-saina ao am-pon’ny mpitarika marina anankiray.

⁹⁷ Nipetraka teo i Davida, may ny tendany, tena tao anatin’ny taompahavaratra mihitsy tamin’izay. Nahazo tombony tamin’ny fisarahan’i Davida sy Saoly ny Filistina. Nikaroka an’i Davida hatraiza i Saoly, ny Filistina koa toy izany. Ary ny Filistina koa dia nitady an’ireo Israelita. Fotoan’ny savorovoro ve no resahinareo! Saiky mitovy amin’izao andro ankehitriny izao tamin’izany. Ary niafina tao amin’ny toerana faran’izay bitika i Davida, fialofana faran’izay kely indrindra, izay no mba hany hitany, toerampamaharana faran’izay bitika. Avy eo izy dia niakatra teny an-tendrombohitra, tena tao anatin’ny fahavaratra mihitsy, teo ambanina hafanana mahasempotra, ny tendany tena maina tanteraka, ny fony feno adin-tsaina sy tahotra; nanontany tena izy hoe: “Andriamanitra ô, ahoana marina àry ny amin’izao? Nandraraka an’ilay diloilo teo amin’ny lohako Ianao, tsy hoe izaho no nanapaka an’izany, fa satria Ianao, Ianao no nifidy ahy. Nahoana Ianao no niantso ahy, raha teo am-piandrasana ny ondriko aho tany, niteny tamiko fa

Ary na dia izay antsipiriany kely izay fotsiny aza, ny hilazana fotsiny hoe:” Oh, io faritanin’ny varimbazaha”, dia efa manana ny dikany. Ary hitananareo ity andriandahin’ny Jentilisa ity, na ity andriandahin’ny Jiosy ity, fa naka vady anankiray avy tamin’ny Jentilisa, ary dia nitondra azy tany , tany Betlehem , mba hanorim-ponenana tao ; tao nonofidiny honenana tao amin’izay nisy mofo be dia be.

⁵⁹ Hitantsika fa tami’ny alalan’izany tantaram-pitiavana mahafinaritra izany, sy ilay fankatoavana lehibe novokarin’ny finoan’i Rahaba janga , dia nanome zanakalahy an’i Salma izy nantsoina hoe Boaza. Manaraka izany dia fantatsika rehetra ilay tantara mahafinaritra anankiray hafa izay tonga mifamatotra amin’io rohy io indray koa ankehitriny. Boaza dia teraka tao Betlehem, avy tamin’i Salma sy i Rahaba janga.

⁶⁰ Hitantsika àry, taona maro taty aorian, tao aorian’ny nandaozan’ i Naomy ny firenena, ka nandeha nivahiny amin’ny tany Moabita, ary niharany’ny an-kasomparana tany...notapahiny ilay fiombonana niaraka tamin’ireo mpino sisa tavela mba handehanany, amin’ny maha-mpiverindalana azy, miray tamina vahoaka hafa anankiray tao amin’ny firenena hafa iray. Amin’ny teny hafa dia hoe nilaozany ilay Fiangonan’ny tena mpino marina mba handehanany any amin’izao tontolo izao nandrity ny fotoana vitsivitsy, hiraiana amina Fiangonana anankiray an’izao tontolo izao izay mino fa hoe azo atao ny zavatra rehetra.Tamin’izay no namoizany ny vadiny.

⁶¹ Ary tsy dia ilaina loatra akory ny hoe fahafatesana ara-nofo foana izany matetika, mety hahavery azy amin’ny alalan’ny fahafatesana ara-panahy koa ianareo, na hamoy ny vadinareo tahak’izany ihany koa. Tsaratsara kokoa ho anareo ny mijanona eo amin’ny kianja tsara iray! Aleo mijanona eo amin’izay ahafantaranareo fa voasaron’ny Ra ianareo, tsy mampaninona izay endriky ny sasany, ny habeny, ireo tilikambo tsara tarehiny izay eo ambonin’ny fiangonany na ny fanenon’ireo lakolosibe. Aleo mijanona eo amin’izay misy ny Rà izay manarona ny fahotan’ny olona. Raha tsy izany, dia mety samy hifamoy ianareo, ary, ambon’izany rehetra izany, dia mety hamoy an’i Jesosy Tompo ianareo ary ho voaroaka.

⁶² Hitantsika raha afaka izany taorian’ny niaingan’ny zanany lahy, – namoy azy roa lahy izy, – dia niverina izy, satria tsy nisy ny fanahin’ny fifohazampanahy tao amin’ny tanàna tamin’izany fotoana izany.

⁶³ Oh, tena te-hijanona kely vetivety eo aho! Tena tiako ho raisina izany ka hampisehoako aminareo fa na impiry na impiry no niverin-dalana ny Fiangonana... dia mijanona eo ambanin’ny Rà ianareo. Io no toerana izay tsy maintsy hipetrahana. Na ao anatin’ny na any ivelany, na ambony na ambany, na rivotra na ranobe, n’aita n’aita, dia mijanona ao ambanin’ny Rà. I Naomy anefa dia nihevitra fa mety ho tsaratsara kokoa ny mandeha mikambana amina vondrona anankiray hafa, satria moa nanana olana izy ireo, izay tsy nisy an’ilay mofom-panahy akory tao. Fa Andriamanitra kosa dia hanome an’izany indray. “ Hanome indray Aho, hoy Jehovah.” Mijanona ao amin’ilay saha izay nihaviany ianareo.

⁶⁴ Arak'izany, dia hitantsika fa nanomboka nanana faniriana lehibe ny hody izy, rehefaavy nandre fa niandoha ny fifohazana lehibe anankiray. Ary ho voamarikareo fa tamin'ny "fotoan'ny varim-bazaha" no niverina i Naomy, araka ny nilazan'ny Baiboly azy, dia tena tamin'ny fotoam-pijinjana mihitsy; amin'ny teny hafa dia hoe rehefa tena nafana vay iny mihitsy ny fifohazana, raha toa ka amin'ny ara-panahy no hampiharana azy. Tena tamin'io vanimpotoana io tanteraka mihitsy izy no niverina. Tsy nisy na inona na inona intsony mba tavela teo aminy, tsy nanana na inona na inona intsony izy..

⁶⁵ Ary i Orpa, vadin'ny anankiray tamin'ireo zananilahy, dia efa nanomboka nisaintsaina izay zavatra rehetra tsy maintsy ho hafoiny (maneho ny Fiagonana ,moderina izy eto): "Raha mandeha any aho izao dia tsy maintsy hamoy ny fandihizako, tsy maintsy havelako ireo fotoam-pifaliako sy ireo fivoriana moderinako." Noho izany dia nitomany izy, nanoroka ny rafozambaviny, ary dia nandao azy.

⁶⁶ Saingy ity kosa misy sary tsara tarehy anankiray. Nisy anankiray hafa niaraka taminy antsoina hoe Rota, vinantovavy anankiray, izay mbola tandindon'ny Fofombady avy amin'ny Jentilisa ihany koa, nanoroka ny rafozambaviny izy ka niteny hoe: " Hafoiko avokoa ny zavatra rehetra, handeha hiaraka aminao aho . Ny olonao no ho oloko. Ny Andriamanitao no ho Andriamanitro. Izay hahafatesanao no hahafatesako. Izay hilevenanao no hilevenako." Izay ilay izy. Izay no tian'Andriamanitra. Fa tsy hoe handeha hatreny amin'ny sisin-tany akory, mandeha antsasa-dalana; fa tsy maintsy fahafoizan-tena tanteraka sy manontolo ho an'ny Fanjakan'Andriamanitra ilay izy.

⁶⁷ Ary Naomy, mba entina hanakiviana azy, dia niteny taminy hoe: "metimety kokoa aminao ny miverina mankany amin'ny olonao. Izaho efa antitra ary tsy misy zaza intsony ato anatiko." Ny lalàna mantsy dia milaza fa tsy maintsy miandry zanakalahy anankiray izy. Hoy izy hoe: "Tsy misy intsony ato anatiko. Ary na dia hanambady aza aho ka hiteraka zazalahy anankiray avy eo, dia efa ho lehibe ianao amin'izay fotoana izay vao hanambady azy, noho izany dia miverena any amin'ny olonao."

⁶⁸ Saingy hoy Rota hoe: "Tsy hiverina aho." Finoana iray nahazo faka, niorina, finoana tanteraka anankiray no niditra tao am-pon'i Rota. Hoy izy hoe: "Hiaraka aminao aho." Ary dia nifikitra taminy izy, namikitra taminy izy. "Izay hisy anao no hisy ahy." Tiako izany..

⁶⁹ Fantantsika ny tohin'ny tantara. Fantsatsika fa ilay Boaza lehibe, izay tompon'ny fijinjana, no niandraikitra ny fijinjana tamin'io fotoana io, ary izy dia havan'i Naomy. Ary rehefa hitany... i Rota, teo amin'ilay asa kely teo am-pitsimpozsimponana, izay salohy kely mba hitany ka mbola misy voam-bary, dia notehiriziny, satria, ho azy, dia io ilay aina. Boaza, amin'ny mahatompone'ny fijinjana azy, dia nanome baiko an'ireo mpijinja mba hampisy latsadatsaka kely foana ho azy, ary dia izay no notsimponiny tamim-pifaliiana. Tamin'io andro io ary, dia novelesiny izay voatsimpony ary dia nahazo izay nahafeno lamba lehibe anankiray izy. Ary rehefa nivoaka i Boaza, izy izay

hahaterahany?Kanefa dia niafina tamin'ny rehetra izany, afa-tsya tamin'io mpaminany io ihany; hoy izy hoe: "Avy ao Betlehema no hivoahany." I Jerosalema anefa no nojeren'izy ireo; nitady nanerana an'ireo "Silo" lehibe rehetra izy ireo; njery hatraiza hatraiza izy ireo. Saingy avy tao Betlehema no nivoahany, satria io no tranon'ny Mofon'Andriamanitra. Izy io no sompit'Andriamanitra ho an'izao tontolo izao.Ary tao Izy no teraka , tao Betlehema. Tsy afaka ny ho teraka n'aiza n'aiza mihitsy Izy.

⁸⁸ Mbola betsaka ny zavatra lehibe azo raisina izay noraisiko naoty tamin'ity herinandro ity, teo am-pandinhana an'ireo zavatra samihafa arapanahy mifamatotra amin'ny tsy maintsy nahaterahany tao Betlehema. Rehefa nahakasika an'ireo zavatra kely ireo fotsiny aho dia nokitihin'ny Fanahy Masina; hoy aho hoe: "Andriamanitra ô, ampy ireo. Hitako amin'izay izao ilay izy."

⁸⁹ Tsy afaka ny ho teraka na aiza na aiza ankoatran'i Betlehema Izy. Io ilay toerana fihavian'ny mofo ho an'ny firenena. Ny mofon'ny tokantranon'ny Israely manontolo dia avy tao avokoa. Ary Izy, Izy no Mofon'Aina nidina avy tany an-danitra, ,ilay Mana ara-panahy. Tsy maintsy tonga tao Betlehema izany Izy, dia ilay toerana izay ilaharana hahazoana mofo, ilay toerana izay nisy ny mofo. Betlehema, ilay toerana fanaovana ny mofo. Jesosy anefa, ilay Mofon'Aina, dia niteny hoe: " Azon'ny olona hohanina izany ka tsy ho faty mandrakizay izy."

⁹⁰ Tranga lehibe hafa anankiray izay koa tsy tiako hohadinoina ny hilaza azy, dia tamin'i Davida nandalo fotoan-tsarotra indrindra teo aminy –rehefa nandositra izy. Efa voahosotra izy, ary fantany izay haha-izy azy: ho tonga mpanjaka izy. Efa niteny an'izany Andriamanitra, kanefa dia nankahalaina izy. Teo anelanelan'ny afo anankiroa no nisy azy : tetsy amin'ny andaniny dia nisy an'ireo Filistina izay nanenjika azy, ary tetsy amin'ny ankilany dia i Saoly. Ary lasa tsy nanana firenena izy.

⁹¹ Tahaka an'izany no misy ny Fiagonana ankehitriny, dia ilay Fiagonan'Andriamanitra velona; tsy manana anarana fiantsoana azy Izy na zavatra hafa. Mijoro irery Izy, saingy kosa efa nararaka nanenika azy ilay hosotra. Fantany hoe iza moa Izy.

⁹² Ahoana àry izany no nahatonga ny devoly roa tonta nilofo nanohitra an'i Davida? Niafina tao amina manda fiarovana sy tao amin'ny lava-bato tany an'efitra izy, niezaka niafina, niaraka tamin'ny mpiady mahatoky vitsivitsy, lehilahy vitsivitsy fotsiny izay nino tahaka azy. Saingy ireo lehilahy ireo kosa anefa dia nino an'Andriamanitra fa izy io no ho mpanjaka.

⁹³ Dia toy izany koa ho an'ny mpino anankiray amin'izao andro izao; miasfina etsy sy eroa izy ireo, saingy fantany kosa hoe iza no ho Mpanjaka. Tsy mampaninona izay ho lasa Filoham-pirenena eo, fantatray fa avy Izy. Ary toa hoatry ny hoe tena ela dia ela ilay izy, ny siansa koa moa miezaka ny ho sangany ka milaza hoe: "Izahay anie mahavita manao olona, mahavita an'izao sy izao izahay, vitanay ny maka bitro anankiray, maka ny tsirin'aina ao aminy

Davida. Ny anarana hoe: Davida dia midika hoe: "malala".

⁸³ Tahaka an'izay voaseho mihitsy teo amin'i Jesosy, ilay Malala, taona maro taty aoriana, ilay Zanak'i Davida, izay tsy maintsy ho avy hanatanteraka ny zavatra rehetra izay nampanantenaina.Io tanàna kelin'i Betlehema io no toerana nisehoan'izany zavatra izany. Fa mbola teo ambonin'reo havoana kelin'i Joda ireo ihany koa, izay niandrasan'i Davida ny ondriny, no nihiran'ireo Anjely ny Noeliny voalohany indrindra taona maro taty aoriana – teo amin'ny havoan'i Jodia izay mifanatrika amin'i Betlehema. Ilay Noely voalohany indrindra!. "Ao an-tanànan'i Davida no teraka ho anareo Kristy Tompo." Raha vao niseho voalohany mba hihira ny Anjely, dia tsy tao Jerosalema tsy akory izy ireo no tonga, tao amin'ilay fiangonana lehibe, tsy tonga tany Gilgala mihitsy ihany koa izy ireo. Tsy tonga tao Silo mihitsy koa izy ireo, izay toerana fivavahana ara-anaram-piangonana nandritr'izany fotoana rehetra iizany. Fa tonga tao Betlehema kely izy ireo, izay niasan'ny Fanahin'Andriamanitra tamin'ny fomba mahagaga sady niteraka zavatra. Tao izy ireo no tonga.

⁸⁴ Tao Kristy no tsy maintsy tonga. Tao! Tao, tao amin'io tanàna kely io mihitsy no nahaterahan'ny Mpanjaka iray, no nisy reny anankiray, virijiny anankiray hiteraka ny zanany voalohany. Tao anatin'io mandakeliny io no nipetraka sy nitoetra ilay Mpanjakan'ny mpanjaka sy Tompon'ny tempo. Tsy hoe Samoela fotsiny akory no tonga mba handraraka ny diloilon'ny hosotra, fa Andriamanitra mihitsy no nanaparitaka azy teo Aminy sy teo amin'izao tontolo izao. Kristy ilay Tompo. Nanambara ny fihaviany ireo Anjely ary nihira tamin'ireo mpiandry ondry izay, teny an-tampon-kavoana, nanaraka an'i Davida mpanjaka, taona maro taloha ela be. Hitanareo ve ilay zavamiafin'Andriamanitra sy ny hoe toy ny inona ny hahalehibeny?

⁸⁵ Teraka tamin'io faritra manana ny maha-izy azy izay ambolena varimbazaha io Izy, kanefa ny vary dia anisan'ny singa fototra ho fitazonana ny aina. Ary Izy no Mofon'Aina. "Izaho no Mofon'Aina. Izay mihinana ny Nofoko sy misotro ny Rako no manana ny Fiainana Mandrakizay ary tsy ho faty mandrakizay na ho tsaraina, fa afaka tamin'ny fahafatesana ho amin'ny fiainana izy."

⁸⁶ Bethléhem! Ny anarana beth-el... B-e-t-h, beth; ny beth amin'ny teny hebreo dia midika hoe: "trano". E-l dia fanafoizan-tenin'ny Elohim, izany hoe Andriamanitra: Ny Tranon'Andriamanitra, izay nametrahana ny Mofon'Aina. E-l, h-e-m, farano io teny io dia avadiho ny l nareo miaraka amin'ny e nareo, midika hoe "mofo boribory lehibe" anankiray amin'ny teny hebreo, El-hem. E-l, dia Andriamanitra izany, Elohim. B-e-t-h dia ny mofo izany... na b-e-t-h, dia ny ... b-e-t-h dia "trano" izany. E-l, dia Elohim nafohezina izany. Arak'izany ary, E-l, h-e-m dia ny "mofo" izany. Iza àry Izy? Ilay Tranon'ny Mofon'Andriamanitra. "Ny Tranon'ny Mofon'Andriamanitra". Trano, beth; Elohim, Andriamanitra; El-he-m, mofo. " Ny Tranon'ny Mofon'Andriamanitra", izay no dikan'ny hoe Bethlehem.

⁸⁷ Toerana hafa aiza ankoatran'io indray àry no tokony

tompon'ny fijinjana, ka njery an'i Rota ary nahita ny fahendreny dia raikimpitiavana taminy.

⁷⁰ Diniho i Boaza, izay nampiseho an'i Kristy. Taiza no nisy azy? Tao Betlehema. Taiza no nahatongavan'i Rota? Tao Betlehema. Taiza izy no nitsimpona? Tao Betlehema.Mba hitanareo ve ny hevitra ara-panahin'izany rehetra izany, ny sehatra izay nisehoan'izany tantara lehibe izany?Efa fantatr'Andriamanitra hatrany amin'ny voalohany izany..

⁷¹ Teo dia nanomboka nanontany ny rafozam-baviny izy ny amin'izay tokony hataony. Ary ny niafarany dia nanambady an'i Boaza i Rota, eo ihany koa dia mbola vehivavy anankiray avy amin'ny Jentilisa, nanambady andriandahy iray avy tamin'i Joda ; ary izy dia nonina sy niaina tao Betlehema.

Ô , ianao, ry Betlehema kely, tsy isan'ny kely indrindra amin'ny tanan-dehiben'i ...i Palestina va ianao, kanefa dia sitrak'Andriamanitra hatramin'ny fahagola, , tany am-piandohana, ny hahaterahan'ny Zananilahy ao.

⁷² Hainy ny zavatra rehetra, ary izy no mampiara-miasa ny zavatra rehetra araka ny tokony ho izy. Nanambady an'i Boaza àry i Rota tany.. Ary rehefa nivady i Rota sy Boaza ... Raha mba nanam-potoana mantsy isika hijanonana kely eo amin'io tantara mahafinaritra io, iray amin'ireo tantaram-pitiavana tsara indrindra tamin'ny taona rehetra, rehefa nivady i Rota sy i Boaza. Ary, tsaroanareo ve ...

Oh, ndao isika hijanona eo vetivety fotsiny. Tena diso tsara loatra ilay izy ka tsy avela handalo fotsiny!

⁷³ Rota dia vehivavy Jentilisa. Tsy nanana lova avy tamin'ny Jiosy izy, tena tahaka antsika rehetra mihitsy, avy amin'ny Jentilisa, tsy nanana lova . Naomy, araka ny tena izy, no ilay tsy maintsy handova. Saingy, satria moa veriny izay rehetra nananany tany am-piandohana, ka ny fananany rehetra dia natao lavanty avokoa, dia noroahina tamin'ny fiangonana àry izy, ary dia lasa.

⁷⁴ Noho izany, rehefa niverina izy, dia tsy nisy afa-tsy olona anankiray ihany sisà no afaka nanavotra ny lovany izay very, io dia ilay Havana tena akaiky azy indrindra. Fantatr'i Boaza izany, noho izany dia tsy maintsy nitady fomba anankiray àry izy hahazoana an'io tovovavy jentilisa io, mba halainy ho vady. Ary inona no tsy maintsy nataony? Tsy maintsy nividy ny fananany'i Naomy rehetra izy hahafahany hahazo an'i Rota, satria isan'ny fananany'i Naomy izy io.Ary ny lehilahy tokana hany afaka manavotra dia olona iray avy amin'ny fianakaviana ihany, havana akaiky anankiiray. Izay no lalán'ny fanavotana.

⁷⁵ Ary ny fomba tokana ho an'i Kristy hanavotany ny fananany'nry Israely mpiverin-dalana dia ny hahatonga Azy ho Havana anankiray ho azy ireo. Ary ny fomba tokana ho an'Andriamanitra hanavotana ny taranak'olombelona, dia Izy Andriamanitra tenany mihitsy no tonga nofo. Ary Jesosy dia Andriamanitra, izay nanao ny Tenany ho Havana anankiray ho an'ny

taranak'olombelona. Imanoela Izy. Tonga Havana Izy. Nentiny teo Aminy, tsy hoe ny endrik'anjely anankiray tsy akory fa ny endriky ny mpanompo anankiray, izay nanasa tongotra sy niaina... Fa ny ambodia manana ny tranony, ny voro-manidina eny an'habakabaka manana ny ankaniny, fa Izy kosa dia tsy mba nanana na dia izay toerana hameatrahana ny Lohany aza. Nihinana Izy, nisotro Izy, Izy ... Nitomany Izy, niomehy Izy. Tena tahaka ny olona rehetra ihany. Andriamanitra Izy fa tsy hoe mpaminany anankiray tsy akory. Andriamanitra Izy. Saingy tsy maintsy tonga Havana Izy mba hanavotany ny taranak'olombelona izay very. Indro ary I Boaza, ao anatin'io tandindona lehibe io, fa ao Betlehema. Ary jereo hoe aiza no teraka io Havana io, io Havana ho an'ny taranak'olombelona io; tsy maintsy ho sahala amin'izay koa ilay izy.

⁷⁶ Ary noho izany, rehefa nanavotra azy ilay Boaza lehibe, dia tsy maintsy nanambara am-pahibemaso izy fa hoe nanavotra ny fananana rehetra izay verin'i Naomy izy. Nandeha teny am-bavahadin'i Betlehema ary izy, mbola ilay tanàna kely ihany indray koa, ary niantso ny loholona tao an-tanàna, ka nampahafantariny azy ireo fa manomboka tamin'io andro io dia navotany avokoa izay rehetra verin'i Naomy. Izay rehetra veriny dia navotany. Ary nesoriny ny kapany, ka natsipiny teo anatrehan'ny olona, mba ho famantarana. “Ary raha misy olona manan-kolazaina na inona na inona, dia aoka izy hilaza ankehitriny, satria izao dia fihetsika hahatsiarovana fa navotako avokoa izay rehetra veriny.”

⁷⁷ Oh, isaorana anie ny Anaran'ny Tompo! Ary rehefa tonga Ilay Havantsika , dia Jesosy avy ao Nazareta , teraka tao Betlehema, dia nitsangana teo an-tampon'ny Golgota Izy; ary Izy nanandratra Azy teo anelanelan'ny lanitra sy ny tany mba ho marika fahatsiarovana, mampiseho fa Navotany izay rehetra verin'ny taranak'olombelona tao anatin'ny fahalavoana. Ahoana no ahafahan'ny olona manao tsinotsinona ny fanasitranana avy amin'Andriamanitra sy ny herin'ny fitsanganan'ny Tompo Jesosy tamin'ny maty, kanefa ilay marika famantarana anankiray dia efa naseho teo imasombahoaka teo Kalvary manambara hoe: “Navotako ny taranak'olombelona manontolo sy izay rehetra very teo aminy. Navotany ny fanahintsika, navotany ny vatantsika, navotany izay rehetra very teo amintsika tao amin'ny fahalavoana. Tonga ny Havana Mahavotra antsika, tonga nofo ary nonina tamintsika; nasehony ilay marika famantarana, ary niteny Izy hoe: “Vita”. Inona no vita? Vita ny zavatra rehetra. Eo am-pidirana ao amin'ny lovantsika fotsiny sisa isika. Ary satria mandroso ny andro, dia miha-manatona an'izany foana isika.

⁷⁸ Boaza sy i Naomy ... Nivady fotoana vitsivitsy izy ireo ary indro fa teraka ho azy ireo ny zazalahy iray izay mbola nanampy isa ihany indray koa an'ilay taranaka dia i Obeda. Ary izy io indray koa dia niteraka zazalahy izay nantsoina hoe:Jese. Ary Jese nanana zanaka fito lahy.

⁷⁹ Ary ny mpaminany lehibe Samoela no ilay tonga niaraka amin'ny tandroka feno diloilo, io mpaminany lehibe io dia nankeo amin'i Jese sy nilaza

hoe: “Andriamanitra nify ny iray amin’ny zanakao lahy mba hitarika sy hanompo ny Oloko.” Ary tany ambadika tany, tany an-tsaha, tao amin’ny fefy kely iray itsanganan’ ny mpiandry ondry, no nasaina nitadiavana tovolahy kely iray mena fihodirana, mahia ny fijery azy ety ivelany, dia i Davida, ilay ... ilay zandriny indrindra. Ary nararak'i Samoela teo amin’ny lohany ny diloilon’ny hosotra, teo anatrehan’ireo rahalahiny rehetra sy ireo rehetra tonga teo, manaporofa Andriamanitra no nanosotra azy ho mpanjaka. Ary taiza io? Tao Betlehema. Voninahitra ho an'Andriamanitra any amin’ny avo indrindra! Tsy mahagaga izany! Tao Betlehema, tao izy no voahosotra ho mpanjaka!

⁸⁰ Tao Betlehema no teraka i Davida. Ary ny tena Zanakahiny lehibe, Jesosy, dia tsy maintsy ho teraka tao Betlehema koa, satria misy fifamatorana tena ety dia ety eo amin'izy roa, ny Rainy sy ny Zanany. Io Zanakahaly lehibe io dia tsy hoe Zanaka fotsiny ihany, fa Solofo sy ny Taranak'i Davida koa,efa talohan'i Davida mihitsy aza Izy, ary ho aorian'i Davida. Izy no mandrakizay mandrakizay. Nefa araka ny nofo ary mifanaraka amin’ny zava-drehetra izay tsy maintsy ho tanteraka, dia Izy no ilay Zanak'i Davida. Tsy maintsy ho teraka Izy, taona maro aty aorian, tao amin'io Betlehema io ihany, dia ilay tanàna haolo kely .

⁸¹ Saingy nandrtr'izany fotoana rehetra izany- mba voamarikareo ve?- dia nisy zava-miafina mahery lehibe efa am-perin'asa teo, izay toa tsy nisy na iza na iza nahalala azy. Fa tahaka an'izany mihitsy koa ny ao amin’ny Betleheman'Andriamanitra amin'izao fotoana izao, nisy ...famantarana miafina izay efa am-perin'asa kanefa toa tsy misy mahafantatra. Mandalo fotsiny eo ambonin'ny lohan'ny olona ilay izy. Toa ohatry ny hoe tsy voarainy. Tsy mampaninona izay voalaza, sy ny zavatra mahagaga izay efa vita, mijery ny olona dia miteny hoe: “Oh, mino izahay fa mety izany”, dia manohy ny lalany ihany izy ireo, saingy tsy azony ! Tsy voarainy ilay izy. Tsy azony ilay izy. Ary izay no nataon'Andriamanitra tao Betleheman, any Jodia. Efa teo am-panaovana ny asa Izy, dia ireo zavatra bitika izay nandroso ho tonga any amin’ny loha iray lehibe.

⁸² Davida, oh, fony izy mbola tovolahy kely mihitsy, dia efa voahosotra ho mpanjaka , mena fihodirana izy, saingy tsy maintsy nisy zavatra tena marina tao anatin' tao, izay nahafaly an'Andriamanitra. Tena kely izy, izy no kely indrindra tao amin’ny fianakaviana. Ireo tovolahy sisa rehetra dia lehilahy ranjanana matanjaka avokoa,izay mety hahasarka tsara tokoa raha mitafy akanjo lava sy mitondra satroboninahitra eny an-dohany. Saingy nasehon'Andriamanitra kosa hoe inona ilay zavatra izay jereny; tsy ny fiseho ety ivelany tsy akory fa izay ao anatin'ny olona. Nijery ny tao am-pon'ny Izy. Fantany izay nisy tao am-pon'i Davida; tsy nahoany izay mety ho bikany miaraka amin’ny satroboninahitra anankiray eny an-dohany, fantany fa hitany teo aminy ny olona anankiray araka ny fony. Teo no naha-Davida azy: lehilahy iray araka ny fony. Izay no antony nandrarahana ny diloilon’ny hosotra teo aminy, na nampanosorana ny diloilon’ny hosotra teo aminy